



册府元龟
卷之三十四
至二



13
849
113



門 4 3
號 849
卷 113



府元龜

淮南李嗣京參閱

西極文翔鳳訂正

豫章黃國琦較釋

將帥部

摠序

唐堯之時舜為后稷兼掌司馬司馬所以掌武事也
暨舜之世有苗弗率命禹徂征又夏啓與有扈大戰
於甘乃召六卿蓋天下六軍其將皆命卿焉至仲康
命裔族掌王六卿為大司馬以羲和洎淫廢時亂日

齋往征卽其事也周官大司馬卿一人又有小司馬中大夫二人各率其屬以掌軍政凡制軍萬有二千五百人爲軍王六軍大國三軍次國二軍小國一軍軍將皆命卿二千五百人爲師師帥皆中大夫五百人爲旅旅帥皆下大夫百人爲卒卒長皆上士二十五人爲兩兩司馬皆中士伍人爲伍伍皆有長一軍則二府六史胥十人徒百人及晉獻公作二軍公將上軍將軍本名起於此也周末有前後左右將軍秦因之位上卿復有護軍都尉之名漢興大將軍驃騎將軍位次丞相車騎將軍衛將軍左右前後將軍位

次上卿掌京師兵衛四夷屯警長武帝初置城門校尉掌京師城門屯兵有司馬十二城門侯中壘校尉掌北軍壘門內外掌西城屯騎校尉掌騎士步兵校尉掌上林苑門屯兵越騎校尉掌越騎長水校尉掌長水宣典胡騎又有胡騎校尉掌池陽胡騎不嘗置射聲校尉掌待詔射聲士虎賁校尉掌輕車凡八校尉皆武帝初置有丞司丞焉及征閩越東甌又有伏波樓船及伐朝鮮大宛復置橫海度遼貳師宣帝又增蒲類破羌其餘雜號非一蓋權時之制因事立名亦不嘗設也又置騎都尉護西域三十六國有副較

尉丞一人司馬侯千人各二人元帝又置戊己較尉丞司馬各一人侯五人成帝綏和元年以大司馬驃騎大將軍為大司馬罷將軍官光武中興諸將軍皆稱大夫及天下已定武官悉省比公者四第一大將軍次驃騎將軍次車騎將軍次衛將軍明帝又有前後左右將軍長史司馬皆一人司馬主兵如太尉從事中郎二人東觀書曰大將軍本注曰職參謀議出征置中護軍一人令史及御屬三十人又賜官騎三十人及鼓吹其雜號將軍眾多皆王征伐事訖皆罷其領軍皆有部曲大將軍營伍部部校尉一人軍司馬一人部下有曲曲有軍侯曲下有屯屯長一人其不置尉但部軍司馬一人又有

軍假司馬假侯皆為副貳其別營領屬為別部司馬其兵多少各隨時空門有門侯其餘將軍置以征伐無員職亦有部曲司馬軍侯以領兵其職吏部集各一人摠知營事兵曹掾史主兵事其後復有四征四鎮之號魏武為相漢建安四年丞相府自置中領軍將軍又遣大將軍督軍二十一年征孫權還夏侯惇督二十六軍是也又置都護中尉護軍將軍文帝受漢禪有太尉而大司馬大將軍各自為官位在三司上又置領軍將軍主五較中壘武衛等三營又置都

督諸州軍事或領刺史又上軍大將軍曹真都督中外諸軍事假黃鉞則總統內外諸軍矣又有四安四平之號明帝遣晉宣王征蜀加號大都督晉文亦為之魯泰曰魏世驃騎為都督督儀與四征同若不為都督雖持節屬四征者與前後左右雜號將軍同其或散還從文官之例位三司蜀有軍師吳有督軍中郎將其餘雜號大底同於漢魏也晉武帝受魏禪以都督諸軍為上監諸軍次之督諸軍為下使持節為上持節次之假節為下使持節得殺二千石以下持節殺無官位人若軍事得與使持節同假節唯軍事得殺犯軍令

者江左以來都督中外尤重唯王導等權重者乃若

之又以領護左右衛驍騎游擊為六軍

文帝初置中衛武帝分為

左右衛並置長史司馬功薄江左罷長史曹主

左右前後將軍為四軍屯騎

步兵射聲越騎長水等較尉號五較二衛始制前驅

繇基強弩為三部司馬各置督史左衛熊渠武賁右

衛伏飛武賁二衛各五部督其命中武賁驍騎游擊

各領之又置武賁羽林上騎異力四部拜命中為五

督其衛鎮四軍如五較各置千人更制殿中將軍中

郎較尉司馬比驍騎持椎斧武賁分屬二衛尉中武

賁持披冗從羽林馬嘗從人數各有差武帝甚重兵

官故軍較多選朝廷清重之士居之又置中軍將軍以統宿衛七軍

五王作難東海王越以須行事皆繇殿中武官立封侯由是出者復有四安四平四中郎

將征虜等號初武帝省領軍將軍使中軍將軍羊祜統二衛前後左右驍衛等營即領軍之任也懷帝永

嘉中改中軍曰中領軍元帝永昌元年改曰北軍中侯尋復為領軍成帝世復為中侯尋復為領軍護軍

將軍江左以來領軍不復別領營總統二衛驍騎材官諸營護軍猶別有營也資重者為領軍護軍資輕

者為中領軍中護軍屬官有長史司馬功曹主簿五

官受命出軍則置參軍左右衛將軍宋受命人臣無都督之號江夏王義恭假黃鉞則專戮節將非人臣

嘗噐矣其四安四平左右前後征虜等將軍及四中郎將唯處諸王素所無為者自左右前後將軍以下

及四十號謂漢宣威明威之類唯四中郎各將一人餘皆無定員自車騎以下為刺史又都督又儀同三司置官如領

兵公但都督不儀同三司者不置從事中郎置功曹一人主吏在王簿上功曹參軍一人主佐記室下戶

曹上監以下不置諮議記室餘則同矣太宗以來皇子皇弟雖非都督亦置記室參軍小號將軍為大郡

邊守置佐吏者又置長史餘則同也南齊有驃騎車
 騎衛鎮軍中軍撫軍四征四鎮將軍加大字位從公
 開府儀同如公又有四安四平左右前後征虜將軍
 四中郎將亦因宋制唯處諸王素族無為者又有冠
 軍輔國寧朔寧遠龍驤將軍凡諸小號亦有置府者
 又有領軍將軍中領軍護軍將軍中護軍凡言為中
 小者同一官也諸為將軍官皆敬領護諸王為將軍
 道相逢則領護讓道焉自晉世以來領軍護軍及左
 右二衛驍騎游擊將軍為六軍又有前後左右將軍
 號四軍又有屯騎步兵射聲越騎長水號五校又有

虎賁中郎將冗從僕射羽林監積射強弩殿中員外
 殿中將軍殿中司馬督武衛將軍武騎嘗侍自二衛
 四軍五較已下並謂之西省而散騎為東省復荊州
 置護南蠻較尉巴州置護三巴較尉雍州置寧蠻較
 尉益州置平蠻較尉寧州置鎮蠻較尉廣州置平越
 中郎將又有護西戎較尉護羌較尉鎮蠻護軍安遠
 護軍皆置官屬有差梁武以將軍之名高下舛雜命
 更如釐定於是有司奏至一百二十五號將軍以鎮
 衛驃騎為二十四班內通四征東南西北四中軍衛
 正施為二十三班入鎮東南西北正施在外為二十
 內也

二班八安東南西北正施在外為二十一班四平左右前後正施在內為二十二班四平南

將軍忠武軍師為十九班武臣爪牙龍騎雲麾為十

八班代舊前後左鎮兵羽師宣惠宣毅為一十七班

代舊四十號為一品智威仁威勇威信威嚴威為十

六班代舊智武仁武勇武信武嚴武為十五班代舊

十號為一品所謂五德將軍者也輕車重車征遠鎮

朔武旅貞毅為十四班代舊輔國凡將軍加大者唯

方得北加位從公凡督府置長史司馬諮議諸曹有

錄事曹記室等十八曹天監七年更置中錄事記室

中置兵參寧遠明威振遠電耀為十三班代舊十號

為一品武威武騎武猛壯武鷹武為十二班電威馳

銳追鋒羽騎突騎為十一班十號為一品折衝冠武

和戎安壘猛烈為十班掃狄雄信掃虜武鋒摧鋒為

九班十號為一品畧遠貞威決勝開遠光野為八班

厲鋒輕銳討狄蕩夷為七班十號為一品武毅鐵騎

樓船宣猛懋功為六班尅狄平虜討夷平狄威戎為

五班十號為一品伏波雄戟長劔衝冠鵬騎為四班

伏飛安夷尅戎綏狄威虜為三班十號為一品先鋒

武毅開邊招遠全威為二班綏虜蕩寇殄虜橫野馳

射為一班十號為一品凡十品二十四班亦以班多

為貴其制品十取其盈數班二十四以法氣序制簿
 悉以大號居後以為選法自小遷大也前史所記以
 位得從公故將軍之名次于台槐之下至是備其班
 品敘其有司之外其不登二品應須軍號者有牙門
代舊建威期門代舊為八班候騎代舊雄渠代舊
建武為七班
代舊中堅代舊奮威為六班戈船代舊繡衣代舊揚武為五班執訊
廣武行陣代舊為四班鷹揚為三班陵江為二班偏
 將軍裨將軍為一班凡十四號別為八班以象八風
 所施甚輕又有武安鎮遠雄義擬車為二十四班四
 撫東西南北為二十三班四寧東西南北為二十二班四
擬四征

威東西南北為二十一班四綏東西南北為二十班
擬四安
 凡十九號為一品安遠安邊擬忠武為一十九班輔
 義安沙衛海撫河擬武臣為一十八班平遠撫朔寧
 沙航海擬鎮丹為十七班凡十號為一品朝海朔野
 拓遠威河龍幕擬智威為十六班威壘安漢綏邊寧
 寇梯山擬智武為十五班凡十號為一品寧境綏河
 明信明義威漢擬輕車為十四班安隴向義宣節振
 朔候律擬寧遠為十三班凡十號為一品平寇定遠
 陵海寧隴振漢擬武威為十二班馳義橫朔明節執
 信懷德擬當威為十一班凡十號為一品撫邊定隴

綏關立信奉義擬折衝等五號為十班綏隴寧邊定朔立節

懷威擬掃狄等五號為九班凡十號為一品懷關靜朔掃寇

寧河安朔擬畧遠等五號為八班揚化超隴執義來化度嶂

擬礪鋒等五號為七班凡十號為一品平河振隴雄邊橫河

寧關擬武毅等五號為六班懷信宣義弘節俘遼鑿空擬剋伙等

五號為五班凡十號為一品捍海款塞歸義凌河明信

擬伏波等五號為四班奉忠守義弘信仰化立義擬仗飛等五號為

三班凡十號為一品綏方奉正丞化度海浮河擬先鋒等

五號為二班懷義奉信歸仁懷澤伏羲擬緘虜等五號為一班

凡十號為一品大凡一百九號將軍亦為十品二十

四班正施於外國及大通三年有司奏曰天監七年

改定將軍各有因有革普通六年又置百號將軍加

刊正雜號之中微有移異大通二年奏移寧遠班中

明威將軍進輕寧班中又置安遠將軍代貞武宣遠

代明烈其戎夷之號亦加附擬選序則依此承用遂

以定制轉則進一班黜則退一班班即階也同班以

優劣為前後有鎮衛驃騎車騎同班四中四征同班

八鎮同班八安同班四平四羽忠武軍師同班武臣

爪牙龍騎雲騎冠軍同班鎮嶽翊師宣惠宣毅四將

軍東南西北四中郎將同班智威仁威勇威信威嚴

威同班智武仁武信武勇武嚴武同班為五德將軍
 輕車領朔武旅貞毅明威同班寧遠安遠征遠鎮遠
 宣遠同班威雄威猛威烈威振威信威勝威畧威風
 威光同班武猛武畧武勝武力武毅武健武烈武威
 武銳武勇同班猛烈猛盛猛銳猛震猛進猛智猛威
 猛勝猛駭同班壯武壯勇壯烈壯猛壯銳壯盛壯毅
 壯志壯意壯力同班驍雄驍桀驍猛驍烈驍武驍勇
 驍銳驍名驍勝驍迅同班雄猛雄明雄烈雄信雄武
 雄毅雄壯雄健同班忠勇忠烈忠猛忠銳忠壯忠毅
 忠捍忠信忠義忠勝同班明智明畧明遠明勇明烈

明盛明勝明進明銳明毅同班光烈光英光遠光勝
 光銳光命光勇光戎光野同班颯勇颯猛颯烈颯銳
 颯決颯起颯畧颯勝颯奇颯出同班龍驤武視雲旗
 風烈電威電首馳銳追銳羽騎突騎同班折衝冠武
 和戎安壘起猛英果掃狄武館推鋒同班開遠畧遠
 貞威決勝清野堅銳輕銳拔山雲勇振旅同班超武
 鐵騎樓船宣猛懋功尅狄平虜稜威昭威威戎同班
 伏波雄戟長劔衝冠鵬騎伏飛勇騎破敵尅敵威勇
 威虜同班前鋒武毅開邊招遠全威破陣蕩寇殄虜
 橫野馳射同班牙門期門同班候騎熊渠同班十堅

典戎同班執訊行陣同班伏武懷奇同班偏裨將軍
同班凡二百四十號爲四十四班又雍州置寧蠻較
尉廣州置平越中郎將北梁南秦置西戎較尉寧州
置鎮蠻較尉西陽南新蔡晉熙廬江等郡置鎮蠻護
軍武陵郡置安遠護軍巴陵郡置度支較尉皆立府
隨府主號輕重而不爲定其將軍施於外國者雄義
鎮遠武安同班擬衛鎮等三號四撫同班擬同四征
四威同班擬四平安遠同班擬忠武等號撫河衛海
安沙輔義同班擬武臣等號船海寧沙撫朔平遠同
班擬鎮嶽等號壘幕威河和戎拓遠朔野朔海同班

擬智威等號梯山寧寇綏邊安漢威壘五號同班擬
智武等號爲漢義明昭信綏河寧境同班擬輕車等
號候律振朔宣節向義安壘同班擬寧遠等號振漢
寧壘陵海安遠平寇同班擬威雄等號懷德執信羽
節橫朔馳義同班擬武猛等號安朔寧河掃寇靜朔
懷關同班擬驍雄等號渡嶂奉化康義超壘揚化同
班擬猛烈等號寧開橫沙雄邊振壘平河同班擬忠
勇等號明信陵河歸義欵塞捍海同班擬光烈等號
立義仰化弘信守義奉忠同班擬颯勇等號奉誠立
誠建誠顯誠義誠同班擬龍驤等號尉遼寧渤綏嶺

威塞通侯同班擬折衝等號掃荒威荒定荒開荒理
 荒同班擬開遠等號奉節歸節遠節效節仗節同班
 擬趨武等號渡河凌海承化舉正綏方同班擬伏波
 等號仗義懷澤歸誠奉信懷義同班擬前鋒等號凡
 一百二十五將軍二十八班竝施外國我國準予中
 夏焉大同四年魏彭城王爾朱仲遠來降以為定錮
 大將軍仍使其北討故名陳承梁制官又有戎號擬
 官自一品至于九品凡二百三十七鎮驃騎等三號
 將軍擬官品第一 一秩中二千石 四中 軍撫衛護 四征 東西南北 八錄
 將軍擬官品第一 一秩中二千石 四中 軍撫衛護 四征 東西南北 八錄
 等十六號將軍擬官品第二 秩中二千石 八安

劔備身正副都督刀劔備身五職刀劔備身員外又
 有備身正副都督備身五職員護軍府將軍一人掌
 四中關津輿駕則護駕中護軍亦同有長史司馬功
 曹五官主簿錄事釐其府事其屬官東西南北四中
 府皆統之四府各中郎將一人長史司馬錄事參軍
 統府錄事各一人又有統府直兵及功曹倉曹中兵
 外兵騎兵長流域局等參軍各一人法甲鏡等曹行
 參軍各一人又領諸官府尉津尉左右衛左右武衛
 左右武候各大將軍一人將軍二人竝有長史司馬
 錄事功兵曹倉騎曹參軍法曹錄曹行參軍 各一人 行

參軍

左右衛左右武候各六人左右武衛各八人

等員左右衛掌官掖禁

禦攝督仗衛又各有直閣將軍六人直寢十二人直

齋直後各十五人並掌宿衛侍從奉車都督六人掌

馭副車武騎嘗侍十人殿內將軍十五人員外將軍

三十人殿內司馬督二十人員外司馬督四十人並

以參府朝出使勞問左右衛又各統親衛置開府左

衛開府左翊衛開府二開府三開府四開府及武衛武候領軍東宮領兵開府準此也府置開

府一人有長史司馬錄事及倉兵等曹參軍法曹行

參軍各一人又有儀同府武衛武候領軍東宮領兵儀同皆準此也儀同已

下置員同開府但無行參軍諸府皆領軍坊每坊東官

尅狄平虜稜威戎昭威戎伏波雄戟長劍衝冠彫騎

仗飛勇騎破敵尅敵威虜等將軍鎮蠻護軍西陽南新蔡晉

熙廬江郡小府鎮蠻安遠護軍度支較尉隨府王號輕重單作則減太守內史相一階若有將軍減一階

安遠軍護度支較尉曰陵郡丞等擬官二十三號品第八

並六百石前鋒武毅開遠招遠金城稜威破陣蕩寇殄虜

橫野馳射等將軍擬官十號品第九並四百石諸將軍起

自第六品已下板則無秩其雖除不領兵領兵不滿

百人拜除此官而為州郡縣者皆依本條減秩二千

石減為千石千石降為六百石自四百石降而無秩依其州縣郡自各以秩論凡板將軍皆

降除一品諸依此減降品秩其應假給章印各依舊

差不貶奪其封爵亦為九等之差後魏有大將軍大
 司馬都督中外諸軍事都督州府諸軍事品第一都
 督之州諸軍事又有驃騎將軍車騎將軍衛將軍驃
 騎車騎加大者在三司上衛將軍加大者次儀同
 三司品並第一下又有四征四鎮將軍四征加大者次衛將軍四
鎮加大者又有中軍鎮軍撫軍將軍加大者次四征品第一
 下又有四安領軍諸軍將軍加大者秩次三以下品第二前後
 左右尚書四平次大者秩次護軍左右衛武衛將軍品第二
 征虜輔國龍驤將軍品第三中堅中壘騎衛鎮遠安
 遠建遠建中建節立意立忠立節恢武勇武耀武昭

左右前後四羽左右前後四平東西南北等十六號將軍擬官

品第三秩中二千石中武軍師武臣瓜牙龍騎雲麾冠軍

鎮兵羽師宣惠宣毅等將軍中郎將智仁勇信嚴等

五威五武將軍令二十五號擬官品第四秩中二千石輕

車鎮朔武旅貞毅明威等將軍將軍加大封者至此比加大通進一階

寧安征旅振宣等五遠將軍寧蠻較尉雍州少府蠻越較尉中郎

將隨府王軍號輕重若單作則減刺史一階若有將軍減將軍一階也令十八號擬官

品第五威雄猛烈震信畧勝風力威光等十威武猛

畧勝力毅健烈威銳勇等十武猛毅烈威震銳進智

勇勝駿等十猛壯武勇烈猛銳威力毅志意等十壯

驍雄桀烈武威勇銳名勝迅等十驍雄猛威明烈信
 武勇毅壯健等十雄忠勇烈猛銳壯毅捍信義勝等
 十忠明智畧遠勇烈威銳毅勝進等十明光威烈英
 遠勝銳命勇戎野等十光颺勇烈武猛銳奇決勝畧
 出等十颺將軍斗越中郎廣梁南秦南梁寧等州小府也西戎平戎
 鎮蠻三較尉等擬官一百四號品第六竝千石龍驤武
 視雲旗風烈電威雷音馳銳追銳羽騎突騎折衝冠
 武和戎安壘超猛英果掃虜掃秋武鋒推鋒開遠畧
 遠貞威決勝清野堅銳輕車拔山雲勇振旅等將軍
 擬官三十號品第七竝六百石超武鉞騎樓船宣猛懋功

將軍以褒賞勲庸領軍府軍將軍一人掌禁衛宮
 朱華閣外凡禁衛官皆主之輿駕出入督攝仗衛中
 領軍亦同有長史司馬功曹五官主簿錄事釐其府
 事又領左右衛領左右等府左右衛府將軍各一人
 掌左右廂所主朱華閣已外各武衛將軍二人二人
 皆有司馬功曹主簿錄事釐其府事其御仗屬官有
 御仗正副都督御仗武職御仗等員其直盪屬官有
 直盪正副都督直人正副都督勲武前鋒正副都督
 勲武前鋒五職等員直衛屬官有直衛正副都督羽
 衛正副都督前鋒正副都督等員直突屬官有直突

都督勳武前鋒散都督等員直閣屬官有朱衣直閣
 直閣將軍直寢直齋直後之屬又有武騎雲騎將軍
 各一人驍騎游擊前後左右等四軍將軍將軍左右
 中郎將各五人步兵越騎射聲屯騎長水等較尉奉
 車都尉等各十人武賁中郎將羽林監十五人冗從
 僕射二十人騎都尉六十人積弩積射強弩等將軍
 及武騎嘗侍各二十五人殿中將軍五十人員外將
 軍一百人殿中司馬都督五十人員外司馬都督一
 百人領左右府有領左右將軍領十牛備身又有左
 右備身正副都督左右備身五職左右備身又有刀

武顯武直閣將軍品第三寧朔建威振威奮威揚威
 廣威建武奮武振武揚武廣武將軍品第四鷹揚折
 衝寧遠揚烈伏波陵江平漢輕車威遠虎威殿中員
 外將軍品第五宣威明威襄威厲威烈威寇威虜威
 戎威武烈武毅武奮將軍品第六綏遠綏邊綏虜討
 寇討虜討難討夷盪虜盪寇盪難盪逆將軍品第七
 殄寇殄虜殄難殄夷掃寇掃虜掃難掃逆厲武厲鋒
 虎牙虎奮將軍品第八廣野橫野偏裨將軍品第九
 又有領軍護軍若侍臣帶者上加中字品第三南北
 料領護將軍不兼置
 東西護匈奴羌戎夷蠻越城門較尉羽林中郎將射

聲越騎長騎步兵長水將軍品第三羽林中郎將
 駘稽虎賁募員虎賁高車虎賁左右積弩積射強弩將
 軍品第四附義歸義率義順義中郎將虎賁郎將品
 第五大和二十三年孝文再次職令命數雖有升降
 而大抵頗同北齊有驃騎車騎衛四征四鎮中軍鎮
 軍撫軍四翊四安冠軍輔國龍驤鎮遠安遠建中建
 節中堅中壘振威奮威廣德弘義折衝制勝伏波陵
 江輕車樓船勁武昭勇明威顯信渡遼橫海踰岷越
 障戎昭武毅雄烈懷猛揚麾曜鋒蕩邊開城靜漢綏
 戎平越殄夷飛騎準擊武牙武奮清野橫野偏裨等

新置

置團士一人佐二人左右武衛府無直閣已下

員但領外軍宿衛左右武侯掌車駕出先駢後殿晝
 夜巡察執捕姦非烽候道路水草所置巡狩師田則
 掌其營禁又加置司展師四人漏刻生一百六十人
 左右領左右府大將軍一人將軍二人掌侍衛左右
 供御兵仗領千牛備身十二人掌執千牛刀備身左
 右十二人掌供御弓箭備身六十人掌宿衛侍參軍
 事監曹行參軍各一人等員左右監門府各將軍一人
 掌宮殿門禁及守衛事各置郎將二人較尉直長各
 三十人長史司馬錄事及倉兵曹參軍監曹行參軍

各一行參軍四人等員領軍府左右各掌十二軍籍帳

差科詞訟之事不置將軍唯有長史司馬掾屬及錄

事功倉兵騎等曹參軍法鎧等曹行參軍各一行參

軍十六人等員後周有柱國大將軍正九命驃騎車騎等

大將軍九命驃騎車騎等將軍正八命四征中軍鎮軍撫

軍等將軍八命四平前後左右將軍師都督正七命冠軍

輔國等將軍七命鎮遠建忠等將軍六命寧遠揚烈伏波

等將軍正五命輕車將軍奉車奉騎等都尉四征中鎮

撫軍五命宣威明威等將軍正四命襄威厲威等將軍四命

威烈討寇等將軍正三命蕩寇蕩難等將軍三命殄寇殄

難等將軍正二命掃寇掃難等將軍二命曠野橫野等將

軍正一命武威武牙等將軍唐武德初命秦王既平王

世克及竇建德高祖以秦王功殊今古自昔位號不

足以為稱乃置天策上將軍以拜為位在三公上及

升儲宮遂廢天策府二年以天下未定事資武力將

舉關中之眾以臨四方乃置十二軍分關中諸府以

隸焉以萬年道為參旗軍長安道為鼓旗軍富平道

為立戈軍醴泉道為井鉞軍同州道為羽林軍華州

道為旗官軍寧州道為折威軍岐州道為平道軍幽

州道為招搖軍麟州道為苑游軍涇州道為天紀軍

空州道為天節軍每將軍軍一人副一人取威名素

重者為之督耕戰之備自是士馬強勁無敵於天下

五年省七年以突厥寇掠復置後省之其後定制有

左右衛龍朔除府字大將軍各一員將軍各二員親府勳

一府勳二府勳一府勳二府等五府每府中郎一人

中郎將一人左右郎將各一人左右驍衛龍朔去府字改為左

右武衛神龍復為驍衛大將軍各一員將軍各二員左右武衛

龍朔除府字光宅改為左大將軍各一員將軍各二

員左右威衛舊為屯衛龍朔改為威武光宅改為左右豹韜衛神龍復為威衛大將

軍各一員將軍各二員左右領軍衛龍朔改為戎衛光宅改為主鋒

神龍復為領軍衛大將軍各一員將軍各二員左右金吾衛

舊為武戾衛龍朔改為左右金吾衛大將軍各一員將軍各二員

中郎將人數品制至此竝同左右衛左右監門衛龍朔除府字大將軍各一

員將軍各二員中郎將四人左右千牛衛龍朔改為奉宸衛神

龍復為千牛衛大將軍各一員將軍各二員中郎將各二人

已上謂之左右羽林軍龍朔置大將軍各一員將軍各

二員中郎將左右中郎將同諸衛左右龍武軍勅太宗選

飛騎之尤驍健者別置百騎以為翊衛之備天后加

置萬騎為左右營置使以領之開元以來其左右羽

林軍名曰北門四軍開元二大將軍各一員將軍三

十七年改為左右龍武軍

員左右神武軍至德二年肅宗在鳳翔置大將軍各一員將軍三

員左右神策軍

上元中以北衛軍使衛伯玉為神策軍節度使祕哥舒翰置大將

軍各二員將軍各二員

貞元三年左右神策將軍各加二員左右神武將軍各加

一神威軍

本號殿前射生左右射生左右射生軍三年改為左右神策為殿前左右射生軍

威軍非六軍之制也

大將軍二員將軍二員六軍統軍

興元元年勅武

左右神武十六衛上將軍

貞元二年十六衛各置上將軍一員

諸府

隋置驃騎鷹揚

等府充天下守戍兵不成軍曰府府有上中下

折衝都尉各一人

唐因隋折衝果毅郎

將之名改統軍為折衝別將為果毅都尉

左右果毅都尉各一人別將各

一人其餘輔國鎮軍二大將軍冠軍雲麾忠武壯武

宣威明威信遠游騎游擊十將軍為散號將軍以加

武士之無職事者又以秦王齊王下統軍為護軍副

統軍為副護軍上大都督為驍騎尉大都督為飛騎

尉師都督為雲騎尉都督為武騎尉都督將軍為游

騎將軍親衛驃騎將軍為親衛中郎將其勳衛驃騎

准此親衛車騎將軍為親衛中郎將其勳衛車騎車

衛並准此監門府郎將為監門中郎將領左右郎將

准此諸軍驃騎將軍為統軍其秦王齊王下領之衛

及庫真驅陞真車騎並准此諸軍車騎將軍為別將

貞觀十一年更置驃騎大將軍為從一品武散官輔

國鎮軍二大將軍為從二品武散官冠軍將軍加大

字及雲麾已下游擊已上改為五品已上武散官又

置昭武振威智果翊麾宣節禦武仁勇陪從八較尉

副自六品至從九品上階六品已下武散官又武德

元年五月改隋鷹揚郎將為軍頭六月改軍頭為驃

騎將軍副為車騎將軍至二年五月車騎將軍隸驃

騎府七年三月改驃騎將軍為統軍車騎將軍為副

軍至貞觀十年改統軍為折衝都尉副為果毅都尉

武德七年又置都督府改大府官以上為大都督府

管十州都督不滿十州只為府

德宗時六軍又置統軍諸衛又置上將軍其出師

專征者有摠管都統元帥分土治戎元有團練使防

禦使節度使統押戎夷者有都護又貞元之後中人

治兵別有護軍中尉觀軍容使五代以後典掌禁軍

則有待衛親軍都指揮使及殿前都簡較殿前都指

揮使而下皆以藩臣領之唐之軍衛名存而寔廢矣

夫軍旅者所以防禍機遏亂畧將帥者所以摠戎政

揚國威入則世乎羽衛出則鎮其方面士卒之存亡

攸屬邦家之休戚是繫苟得其人折衝於萬里儻非

其任奔北於三軍故古先哲王質於蒼龜所以難其

選也拜於壇塲所以重其任也推轂而遣所以專其

事也列壤而封所以報其功也若乃係於誠節濟乎

功名則福祿隨之寡於方畧陷於敗衄則缺鉞及焉

今竝採其善惡之迹成敗之謀忠逆之心賢愚之效
寘之於篇以示鑒戒凡一百六門

佐命第一

天帝王之興也必有命世之人傑折衝之虎臣周旋
翼從夷兇戡難然後大勳以集歸運斯格御天下之
圖制億兆之命者也自成周著伐罪之誓漢高有扶
義之舉白水興復當塗締構繇是而下或艱難以創
業或累積而啓祚莫不有毅勇之士為之瓜牙奮揚
威武式遏亂畧周旋夷險勤宣忠力舉旗以克敵畧
地以闢國用能震天聲而消羣慝厲輿師而一衆志

成樂推欣戴之美享利建世及之報功成名立為方
來之所稱述其不偉歟

周太公望呂尚勅事文王及武王卽位欲修王業東
伐以觀諸侯集否師行師尚父

師之尚之父之故曰
師尚父亦男子美稱

遂至孟津諸侯不期而會者八百皆曰紂可伐也武
王曰未可還師太公作泰誓居二年紂殺王子比干
囚箕子武王將伐紂卜龜兆不吉風雨暴至羣公盡
懼唯太公強之勸武王武王於是遂行十一年正月
甲子誓於牧野以伐紂紂師敗績明王立于社
羣公奉明水衛康叔封布采席師尚父牽牲史佚策

祝以告禮說討紂之罪遷九鼎修周政與天下更始

師尚父誅居多封於齊營丘詩曰惟師尚父時惟鷹

揚諒彼武王諒佐也尚父佐武王為之尚將

漢韓信淮陰人秦末項梁渡淮信乃仗劍從之梁敗

又屬項羽為郎中數以策干羽羽弗用漢王入蜀信

亡楚歸漢為連敖楚官名坐法當斬其疇十三人皆已

斬疇類也至信信乃仰視適見滕公夏侯嬰也曰上不欲就

天下乎而斬壯士滕公奇其言壯其貌釋之言於漢

王以為治粟都尉蕭何言於漢王曰王必欲爭天下

非信無可與計事漢王乃拜信為大將事具宰輔薦賢及帝選

遂聽信計部署諸將部分而署置之漢王元年舉兵東出

陳倉定三秦二年出關收魏河南韓殷王皆降令齊

趙其擊楚彭城漢兵敗散而還信復發兵與漢王會

滎陽擊破楚京索間以故楚不能西漢之敗却彭城

趙魏反漢王以信擊魏魏王豹驚引兵迎信信遂虜

豹定河東使人請益兵三萬人臣請以北舉燕趙東

擊齊南絕楚之糧道西與大王會於滎陽漢王與兵

萬人遣張耳與俱進擊趙代破代禽夏說夏說代相

關與邑名信之下魏代漢輒使人收其精兵詣滎陽以兵

數萬東下井陘擊趙斬成安君泚水上禽趙王歇於

是用趙將廣武君李左車策發使使燕燕從風而靡
 乃遣使報漢因請立張耳王趙以撫其國漢王許之
 楚數使騎兵渡河擊趙王耳信來往救趙四年漢王
 出成臯渡河拜信為相國發趙兵未發者擊齊齊王
 廣亡去信追北至城陽虜廣楚卒皆降遂平齊使人
 言漢王曰齊夸許多變反覆之國南近楚不為假王
 以鎮之其勢不定漢王遣張良立信為齊王徵其兵
 使擊楚五年漢王之敗固陵用張良計徵信將兵會
 垓下項羽死封為楚王

曹參沛人也高祖為沛公也參以中涓從涓潔也言其在中主

知潔清酒掃之事擊固陵方與攻秦監公軍大破之

蓋親近左右也秦一郡置守尉監三人公者時人尊稱之耳東下薛擊泗水守軍薛郭西

復攻固陵取之從守方與反為魏擊之豐反為

魏攻之賜爵七大夫北擊司馬欣軍碭東取狐父郟

善置善置置名也狐父郟二縣名也置苦今之驛也又攻下邳以西至虞擊

秦將章邯車騎攻轅戚及亢父先登遷為五大夫北

救東阿擊章邯軍陷陳追至濮陽攻定陶取臨濟南

救雍兵擊李繇軍破之殺李繇虜秦侯一人章邯破

殺項梁也沛公與項羽引兵而東楚懷王以沛公為

碭郡長將碭郡兵於是乃封參執帛楚爵孤卿號曰建成

君遷為戚公屬碭郡

為戚縣之令

其後從攻東郡尉軍破

之成武南擊王離軍成陽南又攻杜里大破之追北

西至開封擊趙賁軍破之圍趙賁開封城中西擊秦

將傷熊軍於曲遇破之虜秦司馬及御史各一人遷

為執珪

執圭古爵名也

從西攻陽武下轅轅緱氏絕河津擊

趙賁軍尸北破之

尸鄉之北

從南攻犍與南陽守齧戰陽

城郭東

今堵陽

陷陳取宛虜齧定南陽郡

高紀言南陽守綺隆封為

殷侯而自傳言虜齧紀傳不同疑傳誤

從西攻武關峽關取之前攻秦

軍藍田南又夜擊其北軍大破之遂至咸陽破秦項

羽至以沛公為漢王漢王封參為建成侯從至漢中

遷為將軍從還定秦攻下辨故道

武都二縣也

雍

扶風縣也

擊章平軍於好時南破之圍好時取壤鄉

壤地名也

擊三

秦軍壤東及高櫟破之後圍章平平出好時走因擊

趙賁內史係軍破之東取咸陽更名曰新城參將兵

守景陵二十三日

縣名也

三秦使章平等攻參參出擊

大破之賜食邑於寧秦

今華陰

以將軍引兵圍章邯廢

丘以中尉從漢王出臨晉關至河內下修武度圍津

在東郡

東擊龍且項它定陶破之東取碭蕭彭城擊項

籍軍漢軍大敗走參以中尉圍取雍雍王武反於外

黃程處反於燕

皆漢將燕東郡之縣故南燕國

往擊盡破之柱天侯

史失 反於衍氏進破取衍氏擊羽嬰於昆陽追至葉

葉南陽縣也 還攻武疆 武疆城在陽武 因至滎陽參自漢中為將

軍中尉從擊諸侯及項王敗還至滎陽 敗謂戰彭城而敗 漢

二年拜為假左丞相八屯兵關中月餘魏豹反以假

丞相別與韓信東攻魏將孫遨東張 東張屬河南 大破之

因攻安邑得魏將王襄擊魏王於曲陽追至東垣生

獲魏王豹取平陽得豹母妻子盡定魏地凡五十二

縣賜食邑平陽因從韓信擊趙相國夏說軍於鄆東

鄆大原縣也 大破之斬夏說韓信與故嘗山王張耳引兵

下井陘擊成安君陳餘而令參還圍趙別將戚公於

鄆城中戚公出走追斬之西引兵詣漢王在所韓信

已破趙為相國東擊齊參以左丞相屬焉攻破齊歷

下軍遂取臨淄還定濟北郡收著深陰平原高盧 五縣

名也時未有濟北郡史追書之耳 已而從韓信擊龍且軍於上假密

或以為高密 大破之斬龍且虜亞將周蘭 亞將次將也 定齊郡

凡得七十縣得故齊王田廣相田光其守相許章及

故將軍田既 守相為相居守者 韓信立為齊王引兵東詣陳

與漢王共破項羽而參留平齊未服者漢王即皇帝

位韓信徙為楚王參歸和印焉高祖六年與諸侯剖

符賜參爵列侯食邑平陽萬六千三十戶世世勿絕

冊序元龜 將帥部 卷之三十四 二十六

陳平陽武戶牖人也初歸漢拜為都尉使參乘遂與東伐項羽至彭城為楚所敗引師而歸收散兵至滎陽以平為亞將屬韓王信軍廣武遷護軍中尉盡護諸將其後楚急擊絕漢甬道於滎陽城漢王患之乃出黃金四萬斤予平縱反間於楚軍項王果大疑亞父亞父欲急擊下滎陽城項羽不聽事見將帥間諜門平乃夜出女子二千人滎陽東門楚因擊之平與漢王從城西門出去遂入關收聚兵而復東封平以戶牖鄉用其計策卒滅楚七年更封為曲逆侯

周勃其先卷人徙沛以織薄曲為生薄為曲高祖為沛

公初起勃以中府從後攻固陵下方與方與反與戰却敵攻豐擊秦軍碭東還軍留及蕭復攻碭破之下下邑先登賜爵五大夫攻蘭虞取之擊章邯車騎毀鎮也謂鎮後以并蔽殺擊破章邯之殺兵也畧定魏地攻轅戚束縉以往至栗取之攻齧桑先登擊軍阿下破之追至濮陽下斬城攻都關定陶襲取宛胸得單父令夜襲取臨濟攻壽張以前至卷破李繇雍丘下攻開封先至城下為多多謂功多也後章邯破項梁沛公與項羽引兵東如碭自初起沛還至碭一歲二月楚懷王封沛公為碭郡長拜勃為襄賁令從沛公定魏地攻東郡尉於城

武破之攻長社先登攻潁陽緱氏絕河津擊趙賁軍

尸北尸北鄉也南攻南陽守齟破武關峽關攻秦軍於藍

田至咸陽滅秦項羽至以沛公為漢王漢王賜勃爵

為威武侯從入漢中拜為將軍還定三秦賜食邑懷

德攻槐里好時最於將帥之中功為最也北擊趙賁內史係於

咸陽最上北救漆漆扶風縣擊章平姚卬軍西定汧汧今隴西

也縣還下郿潁陽卽今鳳翔郿縣潁陽在櫟陽東圍章邯廢丘破之西

擊益已軍破之益已軍郿將也攻上邽東守峽關擊項羽攻

曲遇最還守敖倉追羽羽已死囚東定楚地泗水東

海郡凡得二十二縣還守雒陽賜爵列侯剖符世世

不絕食絳八千二百八十戶

樊噲沛人以屠狗為事高祖為沛公噲以舍人從攻

固陵方與還守擊豐泗水監豐下破之泗水郡各監謂監郡也破

之於豐復東定沛破泗守薛西謂破郡守於薛縣之西與司馬

尼戰碭東尼秦將軍邯之司馬却敵斬晉十五級賜爵國大夫

夫卽官大夫也嘗從沛公擊章邯軍濮陽攻城先登斬晉二

十三級賜列大夫卽官大夫也從攻陽城先登下戶牖陽武

鄉縣北破李繇軍斬首十六級賜上閭爵上閭謂名後通於天子

攻圍都尉陳留圍縣東郡守尉於城武却敵斬首十四級

捕虜十六人賜爵五大夫從攻秦軍出亳南今河南偃師湯

將帥部

卷之三十四

二十八

亭河間守軍於社里破之擊破趙賁軍開封北以却

敵先登斬侯一人首六十八級捕虜二十六人賜爵

卿從攻破楊熊於曲遇攻宛陵先登斬首八級捕虜

四十四人賜爵號賢成君從攻長社輾轅絕河津東

攻秦軍尸鄉南攻秦軍於槃破南陽守齧於陽城東

攻宛城先登西至鄴南陽縣也以却敵斬首十四級捕虜

四十人賜重封重封加二號也攻武關至霸上項羽欲攻沛

公既饗軍士中酒中酒飲酒之中也亞父謀欲殺沛公時獨

張良得入坐噲居營外聞事急趨持盾直撞入帳下

以盾撞擊人也言於項羽曰沛公先入定咸陽暴師霸上以

待大王大王今日至聽小人之言與沛公有隙臣恐

天下解心疑大王也羽默然沛公入廁麾噲去既出

沛公留車騎獨騎馬噲等四人步從山下走歸霸上

軍而使張良謝羽羽亦因遂已已止也無誅沛公之心

後數日羽屠咸陽立沛公為漢王漢王賜噲爵為列

侯號臨武侯遷為郎中從入漢中還定三秦別攻西

城白水北西今西縣白水水名言擊西縣之城於白水之北又擊雍輕車騎

雍南破之從攻雍黎城先登黎縣名屬武功擊章平軍好時

攻城先登陷陣遷為郎中騎將從擊秦車騎壤東地名

却敵遷為將軍攻趙賁下鄆槐里柘中咸陽柘中即柘也

灌廢丘最

以水灌廢丘也

至櫟陽賜食邑社之樊鄉

今樊鄉從

攻項羽屠荻棗

未詳其地

擊破王武程處軍於外黃攻鄒

魯瑕丘薛項羽敗漢王於彭城盡復取魯梁地噲還

至滎陽益食平陰二千戶以將軍守廣武一歲

廣武在滎

陽

項羽引兵東從漢王擊羽下陽夏虜楚周將軍卒

四千人

周殷也

圍項羽陳大破之

於陳縣圍之

屠固陵羽死

漢王即皇帝位以噲有功益食邑八百戶其秋燕王

臧荼反噲從攻荼定燕地楚王韓信反噲從至東取

信定楚更賜爵列侯與剖符世世勿絕食舞陽號為

舞陽侯

彭越字仲昌邑人嘗漁鉅野澤中為盜陳勝起澤間

少年相聚百餘人往從越請為長設壇祭令徒屬乃

行畧地收諸侯散卒得千餘人沛公從陽北擊昌邑

越助之昌邑未下沛公引兵西越亦將其眾居鉅野

澤中收魏敗散卒項籍入關王諸侯還歸越眾萬餘

人無所屬齊王田榮叛項王漢乃使人賜越將軍印

使下濟陰以擊楚楚令蕭公角將兵擊越越大破楚

軍漢與魏豹及諸侯東擊楚越將其兵三萬餘人歸

漢外黃

於外黃來歸漢

漢王曰彭將軍收魏地得十餘城欲

急立魏後今西魏王豹魏咎從弟真魏也

豹真魏後也廼

拜越為魏相國擅將軍畧定梁地項王與漢王相距
滎陽越攻下睢陽外黃七十城項王聞之乃使曹咎
守成皐自東收越所下城邑皆復為楚越將其兵北
走穀城項王南走陽夏越復下昌邑旁二十餘城得
粟十餘萬斛以給漢食漢王敗使使召越并力擊楚
越曰魏地初定尚畏楚未可去漢王追楚為羽所敗
固陵用張良策發使使越取睢陽以北至穀城皆許
以王越又言所以許韓信越乃引兵至垓下羽死立
越為梁王都定陶

黥布六人也初從項羽入咸陽為前鋒羽封諸將立

布為九江王都六齊王田榮叛楚項王徵兵九江布

稱病不往遣將將數千人行漢王敗楚彭城布又稱

病不佐楚項王由此怨布布愈恐不復往漢王與楚

大戰彭城不利出梁城至虞史宋州虞城縣使隋何使布何

說布起兵攻楚事具總錄游說門楚使項聲龍且攻淮南項

王留而攻下邑今宋州縣也龍且攻淮南破布軍布間行

與隋何歸漢漢王使人之九江得布故人幸臣將眾

數千人歸漢漢益分布兵而與俱北收兵至成皐四

年立布為淮南王與擊項籍布使之九江得數縣五

千布與劉賈大九江誘大司馬周殷殷反楚遂舉九

江兵與漢擊楚破垓下項籍死布遂剖符為淮南王
都六九江廬江衡山豫章郡皆屬焉

盧綰豐人高祖初起沛以客從入漢為將軍嘗侍中
從東擊項羽封長安侯項籍死使綰別將與劉賈擊

臨江王共尉共敖子也還從擊燕王臧荼皆破平高祖詔

諸將相列侯擇羣臣有功者以為燕王皆曰大尉綰
嘗從平定天下功最多可王乃立綰為燕王

酈商高陽人陳勝起商聚少年得數千人沛公初畧

地商以所將四千人屬沛公於岐從攻長社先登賜
爵封信成君從攻緱氏絕河津破秦軍維陽東從下

宛穰定七十縣別將攻旬關旬關分水二關也西定漢中以

將軍為隴西都尉別定北地郡破章邯別將於烏氏

拘邑泥陽烏氏定安也拘邑在幽州泥陽北地縣也賜食邑武城六千戶

從擊項籍軍與鍾離昧戰受梁相國印食邑四千戶

從擊項羽二歲攻固陵漢王即帝位燕王荼反臧茶也

商以將軍從擊荼戰龍脫地名先登陷陳破荼軍易下

縣今易却敵遷為右丞相賜爵列侯與剖符世世勿絕

食邑沛郡五千戶

夏侯嬰沛人為沛廢司御每送使客還過泗上亭與

高祖相愛高祖為沛公賜爵七大夫以嬰為太僕嘗

奉車從攻胡陵嬰與蕭何降泗水監平平以胡陵降

賜爵嬰五大夫從擊秦軍碭東攻濟陽下戶牖破李

賢軍雍丘以兵車趣攻戰疾破之趣急速也下同賜爵執帛

從擊章邯軍東河濮陽下以兵車趣攻戰疾破之賜

爵執圭從擊趙賁軍開封楊熊軍曲遇嬰從捕虜六

十八人降卒八百五十人得印一匱又擊秦軍雒陽

東以兵車趣攻戰疾轉為滕令滕令徐州縣因奉車從攻

定南陽戰於藍田芷陽芷陽後為霸陵縣至霸上沛公為漢

王賜嬰爵號昭平侯復為太僕從入蜀漢還定三秦

從擊項籍至彭城漢王不利馳去見孝惠魯元公主

載之漢王急馬罷虜在後嘗踐兩兒棄之嬰嘗收戰

行面雍樹馳雍擁面背也言取兩兒令面背已漢土而抱持之以馳故云面雍樹馳也

既至滎陽收散兵復振賜嬰食邑沂陽擊項籍下邑

追至陳卒定楚至魯益食茲氏縣名屬大原漢王即帝位

燕王臧荼反嬰從擊荼明年從至陳取楚王信更食

汝陰剖符世世勿絕

灌嬰睢陽敗繒者繒者帛之摠名高祖為沛公畧地至雍丘

章邯殺項梁而沛公還軍於碭嬰以中涓從擊破東

郡尉於成武及秦軍於社里疾鬪賜爵七大夫從攻

秦軍亳南開封曲遇戰疾力力強也賜封執帛號宣陵

秦軍亳南開封曲遇戰疾力也賜封執帛號宣陵

君從攻陽武以西至雒陽破秦軍尸北北絕河津南
破南陽守齟陽城東遂定南陽郡西入武關戰於藍
田疾力至霸上賜爵執圭號文昌君沛公為漢王拜
嬰為郎中令從入漢中拜為中謁者從還定三秦下
櫟陽降塞王還圍章邯廢丘未拔從東出臨晉關擊
降殷王定其地擊項羽龍且魏相項它軍定陶南疾
戰破之賜爵號文昌侯食社平鄉社縣平鄉後以中謁者
從降下碭以北至彭城項羽擊破漢王漢王遁而西
嬰從還軍於雍丘王武魏公申徒反故秦將降為公從擊破
之攻下外黃西收軍於滎陽楚騎來眾漢王拜嬰為

中大夫令李必驍甲二人皆故秦騎士重泉縣人為左右較尉將

郎中騎兵擊楚騎於滎陽東大破之受詔別擊楚軍

後絕其饗道起陽武至襄邑擊項羽之將項冠於魯

下破之所將率斬左右司馬騎將各一人擊破拓公

王武軍燕西拓縣名公者拓之令也王武其人姓名燕西南燕國也所將率斬

樓煩將五人樓煩縣名其人善騎射故各射士為樓煩連尹一人楚官擊

王武別將桓嬰白馬下破之所將率斬都尉一人以

騎度河南送漢王到雒陽從北迎相國韓信軍於邯

鄆還至敖倉嬰遷為御史大夫三年以別侯食邑社

平鄉受詔將郎中騎兵東屬韓信擊破齊軍於歷下

所將卒虜車騎將華母傷及將吏四十六人降下臨

淄得相田光追齊相田橫至嬴博二縣名擊破其騎所

將卒斬騎將一人生得騎將四人收下嬴博破齊將

軍田吸於千乘斬之東從韓信攻龍且雷縣名公縣令也攻龍且及雷縣令於假密雷公於假密

馬連尹各一人樓煩將十人身生得亞將周蘭亞次也

齊地已定韓信自立為齊王使嬰別將擊楚將公杲

於魯北破之轉南破薛郡長長亦如郡守也身虜騎

將入攻博陽前下相以東南僮取慮徐僮取慮徐三縣名度

淮盡降其城邑至廣陵謂從下相以東南盡降城邑乃至廣陵皆正定項羽

使項聲薛公郊公復定淮北嬰度淮擊破項聲郊公

下邳斬薛公下下邳壽春擊破楚騎平陽此平陽在北郡遂

降彭城虜柱國項佗降雷薛沛鄧蕭相此六縣攻苦蕪

二縣名復得亞將與漢王會願鄉從擊項籍軍陳下破

之所將卒斬樓煩將二人虜將八人賜益食邑二千

五百戶項籍敗陔下嬰以御史大夫將軍騎別追籍

至東城破之所將卒五人共斬項籍皆賜列侯降左

右司馬各一人及卒萬二千人盡得其軍將吏下東

城歷陽度江破吳郡長吳下得吳守遂定吳豫章會

稽郡還定淮北凡五十二縣漢王即帝位賜嬰邑二

千五百戶

將帥部

千戶以車騎將軍從擊燕王荼明年從至陳取楚王
信遂剖符世世勿絕食邑潁陰二千五百戶

韓王信故韓襄王孽孫

孽庶子

項梁立楚懷王燕齊趙

魏皆已前王唯韓無有後故立韓公子橫陽君成爲

韓王欲以定韓地項梁死定陶成犇懷王

成謂所立韓王

公引兵擊陽城使張良以韓司從徇韓地得信以爲

韓將將其兵從入武關沛公爲漢王信從入漢中乃

說漢王曰項王王諸將王獨居此遷也士卒皆山東

人疎而望歸及其蠶東鄉可以爭天下漢王從之

蠶謂

軍中將士氣鋒也疎謂引領舉望也蠶與鋒同

漢王還定三秦乃許王信先

拜爲韓太尉將兵畧韓地韓王成聞漢遣信畧韓

乃令故籍游吳時令鄭昌爲韓王

項籍在吳時昌爲吳縣令

距漢

漢二年信畧定韓地十餘城漢王至河南信擊急韓

王昌昌降漢乃立信爲韓王嘗將韓兵從漢王使

信與周苛等守滎陽楚拔之信降楚已得亡歸漢漢

復以爲韓王竟從擊破項籍五年春與信剖符王潁

川

傅寬初以魏五大夫騎將從沛公爲舍人起橫陽從

攻安陽社里趙賁軍於開封及擊楊熊曲遇陽武斬

首十二級賜爵卿從至霸上沛公爲漢王賜寬爵號

共德君從入漢中為右騎將還定三秦賜食邑雕陰

縣名屬上郡從擊項籍待懷待高祖於懷縣也今懷州賜爵通德侯從

擊項冠周蘭龍且所將卒斬騎將一人敖下敖地名左傳曰

敖部之間益食邑屬淮陰擊破齊歷下軍擊田解屬相國

參博參曹參也博太山縣因定齊地剖符世世勿絕封陽陵侯

食邑二千六百戶

斬歙以中滄從起宛胸今曹州縣攻濟陽破李繇軍擊秦

軍開封東斬騎千人將一人騎將師號為千人漢儀注邊郡置部都尉千人

司馬侯也首五十七級捕虜七十三人賜爵封臨平君又

戰藍田北斬車司馬二人謂上車司馬也騎長一人謂騎之長也

首二十八級捕虜五十七人至霸上沛公為漢王

歙爵建武侯遷騎都尉從定三秦別西擊章平軍於

隴西破之定隴西六縣所將卒斬車司馬侯各四人

騎長十二人從東擊楚至彭城漢軍敗還保雍丘擊

反者王武等畧梁地別西擊邢說軍菑南破之菑縣名今

孝城縣身得說都尉二人司馬侯十二人降吏卒四千

六百八十人破楚軍滎陽東食邑四千二百戶別之

河內擊趙賁軍朝歌破之所將卒得騎將二人車馬

二百五十匹從攻安陽以東至棘蒲下十縣別攻破

趙軍得其將司馬二人侯四人降吏卒二千四百人

從降下邳鄆別下平陽身斬守相所將卒斬兵守郡

一人

兵守郡當言兵郡守也謂將兵郡守也

降鄴從攻朝歌邯鄲又別

擊破趙軍降邯鄲郡六縣還軍敖倉破項籍軍成臯

南擊絕楚饒道起滎陽至襄邑破項冠魯下畧地東

至鄆郊下邳南至蕪竹邑擊項悍濟陽下還擊項籍

軍陳下破之別定江陵降柱國大司馬以下八人身

得江陵王致雒陽

江陵王謂其敖之子射也

因定南郡從至陳取

楚王信剖符世世勿絕定食四千六百戶為信武侯

周繆沛人也以舍人從高祖起沛至霸上西入蜀漢

還定三秦嘗為參乘賜食邑池陽從東擊項羽滎陽

紀甬道從山度平陰遇韓信軍襄國戰有利不利終

無離上心帝以繆為信武侯食邑三千三百戶

終

漢王吸以中涓從起豐至霸上為騎郎將入漢以將
軍擊項籍封清河侯一作清陽三千二百戶
召歐以中涓從起沛至霸上為連敖入漢以騎將定
燕趙得燕將軍封廣嚴侯二千二百戶

册府元龜

淮南李嗣京參閱

西極文翔鳳訂正

豫章黃國琦校釋

將帥部

佐命第二

漢王吸以中涓從起豐至霸上為騎郎將入漢以將
軍擊項籍封清河侯一作清陽三千二百戶
召歐以中涓從起沛至霸上為連敖入漢以騎將定
燕趙得燕將軍封廣嚴侯二千二百戶

薛歐以舍人從起豐至霸上為郎入漢以將軍擊項籍將鍾離昧封廣平侯四千五百戶

陳滸以舍人從碭以刺客將入漢以都尉擊項羽於陽絕甬道殺追士卒封博陽侯

劉繆兵初起與諸侯共擊秦為楚左令尹漢王與項羽有隙於鴻門纏解難以破羽降漢封射陽侯

周昌以職志職志官名主旗幟也擊秦入漢出關以內史堅守敖倉以御史大夫封汾陰侯比清陽侯

武虎一作武儒以勛者從擊破秦入漢定三秦出關以將軍擊定諸侯比博陽侯二千八百戶封梁鄉侯

董濞一作縹以舍人從擊秦為都尉入漢定三秦出關

以將軍定諸侯比厭次侯二千八百戶封成侯

孔聚以執盾從起碭以左司馬入漢為將軍三以都尉擊項籍屬韓信此即楚漢春秋及史記所謂孔將軍居左者封蓼侯

陳稀以特將將卒五百人從起宛胸至霸上為游擊將軍別定代破滅荼封陽夏侯

陳賀以舍人從起碭以左司馬入漢用都尉屬韓信擊項籍為將軍定會稽浙江胡陵封費侯

周竈以卒從起碭以連敖入漢以長鉦都尉擊項籍連敖楚官左傳楚有連尹莫敖其後合為一長鉦官號長刃兵也為刃而劍形史記作長鉞鉞亦刃耳

封隆慮侯

丁復以越將從起薛至霸上以樓煩將入漢定三秦

屬周呂侯破龍且彭城為大司馬破項籍葉謂破楚葉縣也

為將軍忠臣侯再封陽都侯

郭蒙以戶衛從起薛屬周呂侯破秦軍扛里陷楊熊

軍曲遇入漢為城將定三秦以都尉堅守敖倉為將

軍破項籍封東武侯三千戶

嚴不職一作不言以舍人從起沛至霸上以騎將入漢還

擊項籍屬丞相霄功侯用將軍擊黥布封武彊侯

宣虎以河南將軍降晉陽以重將破臧荼重將者重將領別重

封南安侯

陳武以將軍將卒二千五百人起薛別救東阿至霸

上二年十月入漢擊齊歷下軍臨菑封棘蒲侯

朱軫以舍人從起沛以隊帥先降翟王虜章邯封都

昌侯

合傅胡害以越戶將從破秦入漢定三秦以都尉擊

項籍封貫侯六百戶功比臺侯

搖毋餘以越隊將從破秦入漢定三秦以都尉擊項

籍封海陽侯一千七百戶

蔡寅以魏太僕漢王三年初從以車騎將軍破龍且

及彭城封肥如侯千戶

蟲達以曲成戶將三十七人從起碭至霸上為執金

吾及為二隊屬周呂侯入漢定三秦以都尉破項籍

陳下封曲成一作曲城侯四千戶

陳涓以卒起碭從以二隊將入漢擊項籍得梁郎將

封河陽侯

彭越以門尉起碭至霸上為定武君入漢還定三秦

為都尉擊項羽封芒侯

閻澤亦以執盾初起從入漢為河上守遷為殷相擊

項籍封敬市侯一作故市千戶比平定侯

我賜以連敖從起薛以三隊將入漢定三秦以都尉

破項籍軍為將軍封柳丘侯八千戶

周止以舍人從起沛以郎中入漢為周信侯定三秦

以為騎郎將破項籍東城封魏其侯千戶

繒賀漢王三年以執盾從起以連敖擊項籍漢王敗

走賀擊楚追騎以故不得進漢王顧謂賀祁王戰彭

城斬項籍爭惡絕延壁謂之祁王者蓋嘉其功故寵

惡地延壁壁壘之名也封祁侯

許惲漢三年用趙右林將初擊定諸侯林將言羽

宋子侯林之將也封

齊受以卒從起留以家車吏入漢以驍騎都尉擊項籍得樓煩將

家車吏主漢三之家車

封平定敬侯

工師喜以舍人從擊破秦以郎中入漢以將軍定諸侯守雒陽封平侯千三百戶

奚涓以舍人從起沛至咸陽為郎入漢以將軍定諸侯封魯侯四千八百戶

尹恢以謁者從入漢以將軍擊定諸侯以右丞相備守淮陽封城父侯二千戶

襄漢表失其姓一作無姓執盾隊史從起碭破秦以治粟內史

入漢以上郡守擊定西魏地封棘丘侯

郭亭以連敖從起單父以塞路入漢

主遮塞要路以備敵寇也

定三秦屬周呂侯以都尉擊項籍封河陵侯

一作阿陵

單究一作單寧以舍人從以郎入漢定三秦以騎將軍擊

諸侯封昌武侯九百戶

丙猜以客從入漢定三秦以中尉破項籍封高宛侯

一作高苑千六百戶

丁義以卒從起留以騎將入漢定三秦破項籍軍榮

陽以郎騎將破鍾離昧軍固陵封宣曲侯六百七十

戶

華無害以越將起留入漢定三秦擊臧荼封終陵侯

一作絳陽七百四十戶

劉到一作劉釗以舍人從起碭至霸上以二隊入漢定三

秦以都尉擊項籍破臧荼封東茅侯千戶

唐厲以舍人從起豐以左司馬入漢以亞將攻項籍

却敵為東部都尉破項籍封成武侯為中尉擊黥布

封斥丘侯千戶

戴野以舍人從起碭用隊帥入漢以都尉擊項籍封

臺侯

丁禮以中涓騎從起碭為騎將入漢定三秦為正奉

侯以都尉擊項籍屬灌嬰殺龍且更為樂成侯

鄂秋漢王三年以謁者從定諸侯有功封公平侯二

千戶

陳夫乞以卒從起杠里入漢以都尉擊項籍以將軍

定燕封高胡侯千戶

爰類以慎將

謹慎為將也

從起留入漢以都尉守廣武封

厭次侯

陳胥以卒從起薛以將軍入漢以右司馬擊項籍封

復陽侯千戶

其石以中謁者從入漢以中郎騎從定諸侯封河陽

侯五百戶

九月 元 命二

許盞以駢隣從起昌邑 三馬曰駢隣 竝兩騎也 以說衛入漢 說衛

謂軍行舍少之時為衛也 以中尉擊項籍封栢至侯千戶

呂馬童以郎騎將從好時以司馬擊龍且復共斬項

籍封中水侯千五百戶

王翦 一作士醫 以中郎騎從起下邳屬淮陰侯從灌嬰共

斬項籍封杜衍侯千七百戶

楊喜 一作楊嘉 以中郎騎從起杜屬淮陰侯從灌嬰共斬

項籍封赤泉侯千九百戶

華寄以舍人從起薛以連敖入漢以都尉擊項籍封

朝陽侯千戶

杜得臣以卒從起湖陵入漢以郎將迎左丞相軍擊

項籍封赫陽侯千戶

呂騰以騎士從出關以郎中共擊項籍封涅陽侯千

三百戶

林摯以客從起亢父斬章邯所置蜀守用燕相封平

赫侯千戶

趙將夕 一作將夜 以趙將屬淮陰侯定趙齊楚封深澤侯

七百戶

程黑以趙衛將軍從起盧奴擊項籍敖倉下為將軍

攻臧荼封歷侯 一作磨侯 千戶

陳遼以舍人從起豐入漢以都尉擊項籍封倚氏侯

千一百戶

室中

一作空中

同以弩將初起從入漢以都尉擊項籍封

清侯千戶

留盼

一作留勝

以客吏初起從入漢以都尉擊項籍封彊

侯千戶

秦同以卒從起薛以弩將入漢以都尉擊項籍封彭

侯千戶

楊武以中郎騎將從起下邳擊陽夏以騎都尉擊項

籍封吳房侯七百戶

魏遼以舍人從起碭入漢以都尉擊臧荼封寧侯千

戶

張說以卒從起方與以執盾入漢以司馬擊項籍以

將軍定代封安丘侯二千戶

陳署以卒從起霸上以謁者擊項籍斬曹咎封龍陽

侯

一作龍侯

千戶

孫赤以中涓從起沛以郎入漢以將軍擊項籍封惠

侯坐守滎陽降楚免復來以郎擊項籍為上黨守擊

陳豨封堂陽侯八百戶

高色

一作高邑

以客從起齧桑以十隊將入漢以將軍擊

魏太原井陘屬韓信罌度軍破項籍封祝陽侯一作祝阿千八百戶

呂臣以舍人從起陳留以郎入漢破曹咎成臯為都尉擊陳豨封甯陵一作寧陵侯千戶

靳彊以中郎騎千人從起櫟陽擊項籍以中尉破鍾離昧封汾陽侯

祕彭祖以卒從起沛以卒開沛城門為太公僕以中廐令擊陳豨封戴侯千一百戶

周聚以卒從起豐以隊率入漢擊項籍成臯封博陽侯

冷耳以客從起沛入漢用兵擊破齊田解軍以楚丞相堅守彭城封下相侯二千戶

王虞一作王周以騎司馬從起廢丘以都尉破田橫龍且追項籍至東城封高陵侯九百戶

李必一作李必以騎都尉從起櫟陽攻破廢丘因擊項籍屬韓信破齊封戚侯千五百戶

奚意以魏郎初從起陽武擊項籍屬魏王豹封成陽侯六百戶

陳蒼以中涓從起豐以騎將入漢以將軍擊項籍封紀信侯七百戶

毛釋之以中涓從起豐以郎騎入漢還從擊諸侯封張侯七百戶

華朱以越連敖從起薛別以越將入漢擊諸侯以都尉封煮棗侯九百戶

朱滂以卒從起豐入漢以都尉擊項籍封鄆陵侯二千七百戶

後漢鄧禹字仲華南陽新野人光武安集河北即杖策北度追及於鄴號曰鄧將軍嘗宿止於中與定計

議及玉郎起兵光武自薊至信都使禹發奔命得數千人令自將之別攻拔樂陽

樂陽縣屬恒山郡從至廣阿

帝率禹等擊王郎橫野將軍劉奉大破之帝過禹營禹進炙魚帝發啗勞勉吏士威嚴甚厲衆皆竊言劉公也天人光武使別將騎與蓋延等擊銅馬於清陽延等

先至戰不利還保城為賊所圍禹遂進與戰破之生獲其大將從光武追賊至滿陽連大克獲北州畧定

及赤眉西入關更始使定國上公王匡襄邑王成丹抗威將軍劉均及諸將分據河東弘農以拒之赤眉

衆大集王匡等莫能當光武籌赤眉必破長安欲乘釁并關中而方自事山東未知所寄以禹沈深有大

度故授以西討之略乃拜為前將軍持節中分麾下精兵二萬人遣西入關令自選偏裨以下可與俱者

於是以韓歆為軍師李文李春程慮為祭酒

慮字武為憲

馮愔為積弩將軍樊崇為驍騎將軍宗歆為車騎將

軍鄧尋為建威將軍耿訢為赤眉將軍左于為軍師

將軍引而西建武元年正月禹自箕關將入河東

箕關

在今王屋縣東

河東都尉守關不開禹攻十日破之獲輜重

千餘乘進圍安邑數月未能下更始大將軍樊參將

數萬人度大陽欲攻禹

大陽縣屬河東郡春秋秦伯伐晉自茅津渡河東大陽縣

是也禹遣諸將逆擊於解南大破之斬參首

解縣屬河東郡於

是王匡成丹劉均等合軍十餘萬復共擊禹禹軍不

利樊崇戰死會日暮戰罷軍師韓歆及諸將見兵勢

已摧皆勸禹夜去禹不聽明日癸亥王匡等以六月

窮日不出禹因得更理兵勒衆明日匡等悉軍出攻

禹禹令軍中無得妄動既至營下因傳發諸將鼓而

竝進大破之匡等皆棄軍亡走禹率輕騎急追獲劉

均及河東太守楊寶持節中郎將弭疆皆斬之收得

節六印綬五百兵器不可勝數遂定河東承制拜李

文為河東太守悉更置屬縣令長以鎮撫之

馮異字公孫潁川人漢兵起異以郡掾監五縣與父

城長苗萌共城守為王莽拒漢光武畧地潁川攻父

城不下屯兵巾車鄉異間出行屬縣為漢兵所執時

異從兄孝及同郡丁繚呂晏竝從光武因共薦異得
 召見異曰異一夫之用不足為強弱有老母在城中
 願歸據五城以効功報德光武曰善異歸謂苗萌曰
 今諸將皆將士偏起多暴橫獨有劉將軍所到不虜
 掠觀其言語舉止非庸人也可以歸身苗萌曰死生
 同命敬從子計光武南還宛更始諸將攻父城者前
 後十餘輩異堅守不下及光武為司隸較尉道經父
 城異等即開門奉牛酒迎光武署異為主簿苗萌為
 從事從至雒陽更始數欲遣光武徇河北諸將皆以
 為不可是時左丞相曹竟子詡為尚書父子用事異

勸光武厚結納之及度河北詡有力焉異後因問進
 說曰天下同苦王氏思漢久矣今更始諸將從橫暴
 虐所至虜掠百姓失望無所依戴今公專命方面施
 行恩德夫有桀紂之亂乃見湯武之功人久飢渴易
 為充飽宐急分遣官屬徇行郡縣理冤結布惠澤光
 武納之至邯鄲遣異乘傳撫循屬縣及王郎起光武
 自薊東南馳至饒陽蕪萋亭亭名今在饒陽遇大風雨光武
 引車入道傍空舍異抱薪爇火復進麥飯菟肩因復
 渡滹沱河至信都使異別收河間兵還拜偏將軍從
 破王郎封應侯應國在城父縣西南別擊破鐵脛於北平又降

匈奴于林闕頓王

匈奴王號

因從平河北時更始遣李軼

因立朱鮪陳僑等

僑一作喬

將兵號三十萬與河南太守

武勃共守雒陽光武乃拜寇恂為河內太守異為孟

津將軍統二郡軍河上與恂合勢以拒朱鮪等北攻

天井關拔上黨兩城又南下河南成臯巴東十三縣

及諸屯聚皆平之降者十餘萬武勃將萬餘人攻諸

畔者異引軍渡河與勃戰於士鄉下

士鄉亭名屬河南

大破

斬勃獲首五千餘級勸光武即帝位異與諸將定議

上尊號建武二年春定封陽夏侯引擊陽翟賊嚴終

趙根破之時赤眉延岑暴亂三輔郡縣大姓各擁兵

衆大司徒鄧禹不能定乃遣異代禹討三輔既至

布威信弘農群盜稱將軍者十餘輩皆率衆降異異

與赤眉遇於華陰相拒六十餘日戰數十合降其將

劉始王宣等五千餘人三年春遣使者即拜異為征

西大將軍與鄧禹鄧弘等共攻赤眉大破於嶠底降

男女八萬人餘衆尚十餘萬東走宜陽延岑據藍田

王歆據下邳芳丹據新豐蔣震據霸陵張邯據長安

公孫守據長陵楊周據谷口呂鮪據陳倉角闕據汧

駱蓋延據盩厔任良據鄠汝章據槐里各稱將軍擁

兵多者萬餘少者數千人轉相攻擊異且戰且行屯

軍上林苑中延岑旣破赤眉自稱武安王拜置牧守
欲據關中張邛任良共攻異異擊破之斬首千餘級
諸營保守附岑者皆來歸降異岑走攻析異遣復漢
將軍鄧曄輔漢將軍于匡要擊岑大破之降其將蘇
臣等八千餘人岑遂自武關走南陽詔拜南陽趙匡
爲右扶風將兵助異乃稍誅擊豪傑不從令者褒賞
降附有功勞者悉遣其將帥詣京師散其衆歸本業
威行關中唯呂鮪張邛蔣震遣使降蜀其餘悉平
吳漢字子顏南陽宛人王莽末亡命至漁陽更始立
使使者韓鴻徇河北或謂鴻曰吳子顏奇士也可與

計事鴻名見漢甚悅之遂承制拜爲安樂令會王郎
起北州擾惑漢素聞光武長者獨欲歸心乃說太守
彭寵曰漁陽上谷突騎天下所聞也君何不合二郡
精銳附劉公擊邯鄲此一時之功也寵以爲然而官
屬皆欲附王郎寵不能奪漢辭出止外亭念所以譎
衆未知所出望見道中有一人似儒生者漢使人召
見之爲具食問以所聞生因言劉公所過爲郡縣所
歸邯鄲舉尊號者實非劉氏漢大喜卽詐爲光武書
移檄漁陽使生齎以詣寵令具以所聞說之漢復隨
後入寵甚然之於是遣漢將兵與上谷諸將并軍而

南所至擊斬王郎將帥及光武於廣阿拜漢為偏將軍既拔邯鄲賜號建策侯光武將發幽州兵鄧禹薦之拜大將軍持節北發十郡突騎更始幽州敕苗曾不肯應調漢乃將二十騎先馳至無終在今幽州斬曾而奪其軍北州震駭城邑莫不望風弭從弭服也遂悉發其兵引而南與光武會又與岑彭攻更始尙書令謝躬于邯鄲襲其城漢手擊殺躬其眾悉降光武北擊群賊謂銅馬高胡漢嘗將突騎五千為軍鋒數先登陷陣及河北平漢與諸將奉圖書上尊號光武即位拜為大司馬更封舞陽侯

賈復字君文南陽冠軍人王莽末為縣掾時下江新市兵起復亦聚眾數百人於羽山自號將軍更始立乃將其眾歸漢中王劉嘉以為較尉復見更始政亂諸將放縱乃說嘉曰臣聞圖堯舜之事而不能至者湯武是也圖湯武之事而不能至者桓文是也圖桓文之事而不能至者六國是也定六國之規欲安守之而不能至者亡六國是也今漢室中興大王以親戚為藩輔天下未定而安守所保得無不可保乎嘉曰卿言大非吾任也大司馬劉公在河北必能相施第馳我書往施用也第但也復遂辭嘉受書北渡河及光武

於柏人囚鄧禹得召見光武奇之禹亦稱有將帥節於是署復破虜將軍督盜賊光武至信都以復為偏將軍及拔邯鄲遷都護將軍從擊青犢於射大大戰復被羽先登所向皆靡賊乃敗走又北與五較戰於真定大破之光武即位拜為執金吾封冠軍侯先渡河攻朱鮪於雒陽與陳僑戰連破降之建武二年益封穰朝陽二縣更始鄧王尹尊及諸大將在南方未降者尚多光武遣復與騎都尉陰識驍騎將軍劉植南度五社津擊鄧連破之月餘尹尊降盡定其地引東擊更始淮陽太守暴汜汜降屬縣悉定南擊召陵

新息平定之

新息今蔡州縣

明年遷左將軍別擊赤眉於新

城澠池間連破之與光武會安陽遂降赤眉
寇恂字子翼上谷昌平人初為郡功曹太守耿况甚重之會王郎起遣將狗上谷急况發兵恂與門下掾閔業共說况曰邯鄲拔起難可信向昔王莽時所難獨有劉伯升耳今聞大司馬劉公伯升母弟尊賢下士士多歸之可攀附也况曰邯鄲方盛力不能獨拒如何恂對曰今上谷完實控弦萬騎舉大郡之資可以詳擇去就恂請東約漁陽齊心合衆邯鄲不足圖也况然之乃遣恂到漁陽結謀彭寵恂還至昌平襲

擊邳鄆使者殺之奪其軍遂與况子弇等俱南及光武於廣阿拜恂為偏將軍號承義侯從破群賊數與鄧禹謀議禹奇之薦恂為河內太守行大將軍事會更始將朱鮪使討難將軍蘇茂副將賈彊將兵三萬餘人渡鞏河攻溫鞏溫皆縣名恂勒軍奔擊大破之追至雒陽遂斬賈彊茂兵自投河死者數千生獲萬餘人光武大喜曰吾知寇子翼可任也諸將軍賀因上尊號於是即位建武二年封雍奴侯邑萬戶

鄧晨字偉鄉南陽新野人初娶光武姊元王莽末穰人蔡少公學圖讖言劉秀當為天子或曰是國師公

劉秀光武戲曰何用知非僕耶坐者皆大笑晨心獨

喜及光武與家屬避吏新野舍晨廬甚相親愛及漢

兵起更始立以晨為偏將軍與光武畧地至潁川俱

夜出昆陽城擊破王尋王邑又別徇陽翟以東至京

密皆下之京密二縣名京今鄭州滎陽縣東鄭之京邑也密今河南府縣更始北都

雒陽以晨為恒山太守光武追銅馬高胡羣賊於冀

州晨發積射士千人積與迹同謂尋迹而射也又遣委輸給軍不

絕光武即位封房子侯房子在今鄭州

蓋延字巨卿漁陽要陽人彭寵為太守召延署營尉

行護軍及王郎起延與吳漢同謀歸光武延至廣阿

拜偏將軍號建功侯從平河北光武卽位以延爲虎

牙將軍建武二年更封安平侯

陳俊字子昭南陽西鄂人

江夏有鄂故加西也其少城在今鄂州西城縣南

爲郡吏更始立以宗室劉嘉爲太嘗將軍俊爲長史光武徇河北嘉遣書薦俊光武以爲安集掾從擊銅馬於清陽進至滿陽拜疆弩將軍與五較戰於安次俊下馬手接短兵所向必破追奔二十餘里斬其渠帥而還五較引退入漁陽俊將輕騎馳出賊前親入保壁堅完者勅令固守放散在野者因掠取之賊至無所得遂散敗光武卽位封爲列侯建武三年春攻

長垣賊下四縣更封新處侯

新處縣名屬中山

耿弇字伯昭扶風茂陵人王莽末弇父况爲朔調護帥及更始立諸將略地者前後多擅威權輒改易守令况自以王莽之所置懷不自安時弇年二十一乃辭况奉奏詣更始因齎貢獻以求自固之宐及至宋子會王郎詐稱成帝子子輿起兵邯鄲弇從吏孫倉衛包於道共謀曰劉子輿成帝正統捨此不歸遠行安之弇按劔曰子輿弊賊卒爲降虜耳我至長安與國家陳漁陽上谷兵馬之用還出太原代郡反覆數十日歸發突騎以犇烏合之衆

犇也

如摧枯折腐耳

觀公等不識去就族滅不久也倉包不從遂亡降王
郎弇道聞光武在盧奴乃馳北上謁光武留署門下
吏弇因說護軍朱祐求歸發兵以定邯鄲光武笑曰
小兒曹乃有大意哉因數召見加恩慰弇因從光武
北至薊聞邯鄲王郎兵方到光武將欲南歸召官屬
計議弇曰今兵從南來不可南行漁陽太守彭寵公
之邑人上谷太守卽弇父也發此兩郡控弦萬騎邯
鄲不足慮也光武官屬腹心皆不肯曰死尚南首柰
何北行入囊中光武指弇曰是我北道主人也會薊
中亂光武遂南馳官屬各分散弇走昌平就况因說

况使寇恂東約彭寵各發突騎二千匹兵千人
與景丹寇恂及漁陽兵合軍而南所過擊斬王郎大
將九卿較尉以下四百餘級得印綬百二十五節二
斬首三萬餘級定涿郡中山鉅鹿清河河間凡二十
二縣遂及光武於廣阿是時光武方攻王郎傳言二
郡兵爲邯鄲來衆皆恐旣而悉詣營上謁光武見弇
等說曰當與漁陽上谷士大夫共此大功乃皆以爲
偏將軍使還領其兵加况大將軍興義侯得自置偏
裨弇等遂從拔邯鄲時五較賊二十餘萬北寇上谷
况與子破胡將軍舒連擊破之賊皆退走更始見光

武威聲日盛君臣疑慮乃遣使立光武爲蕭王令罷兵與諸將有功者還長安遣苗曾爲幽州牧韋順爲上谷太守蔡充爲漁陽太守並北之部時光武居邯鄲宮晝臥溫明殿弁入造牀下請間因說曰今更始失政君臣淫亂諸將擅命於畿內貴戚縱橫於都內天子之命不出城門所在牧守輒自遷易百姓不知所從士人莫敢自安虜掠財物劫掠婦女懷金玉者至不生歸元元叩心更思莽朝又銅馬赤眉之屬數十輩輩數十百萬聖公不能辦也其敗不久公首事南陽被百萬之軍今定河北北據天府之地以義征

伐發號響應天下可傳檄而定天下至重不可令它姓得之聞使者從西方來欲罷兵不可從也今吏士死亡者多弁願歸幽州益發精兵以集其大計光武大說乃拜弁爲大將軍與吳漢北發幽州十郡兵弁到上谷收韋順蔡充斬之漢亦誅苗曾於是悉發幽州兵引而南從光武擊破銅馬高胡赤眉青犢又追尤來大捨五幡於元氏弁嘗將精騎爲軍鋒輒破走之光武乘勝戰慎水上追至容城小廣湯安次連戰破之光武還薊復遣弁與吳漢景丹蓋延朱祐邳彤耿純劉植岑彭祭遵堅鐔王霸陳俊馬武十三將軍

追賊至潞東及平谷再戰斬首三千餘級遂窮追於
無終上垠浚靡右北平無終上垠之間至浚靡而還
並縣名屬右北

平賊散入遼西遼東或為烏桓貊人所鈔擊畧盡光
武卽位拜弇為建威大將軍建武二年更封好畤侯

州府元龜

淮南李嗣京參閱

西極文翔鳳訂正

豫章黃國琦較釋

將帥部 三

佐命第三

後漢鉞期字次况潁川邠人光武畧地潁川聞期志

義召署賊曹掾賊曹王盜賊之從狗薊時薊中起兵

應王郎光武趨駕出百姓聚觀誼譁滿路遮道不得

行期奮戟瞋目大呼左右曰趣止行清道若衆皆披

靡及至城城門已閉攻之得出行至信都以期為禪
 將與傅寬呂晏俱屬鄧禹徇傍縣又發房子兵禹以
 期為能獨拜偏將軍授兵二千人寬晏各數百人光
 武使期別徇真定宋子攻拔樂陽豪肥樂陽豪今
 屬胡肥子國從擊王郎將兒宏副劉奉於鉅鹿下期
 先登陷陣手殺五十餘人遂大破之王郎平拜期虎
 牙大將軍乃因問說光武曰河北之地界接邊塞人
 習兵戰號為精勇今更始失政大統危殆海內無所
 歸往明公據河山之固擁精銳之眾以順萬人思漢
 之心則天下誰敢不從光武笑曰卿欲遂前運邪惟
 天

子得稱

時銅馬數十萬眾入清陽博平

博平今
博州縣

期與

諸將迎擊之連戰不利會光武救至遂大破之從擊
 青犢赤眉於射犬賊襲期輜重期還擊之手殺傷數
 十人身被三創而戰方力力苦遂破走之光武即位
 封安成侯屬汝南郡故城在
 今汝陽縣東南食邑五千戶
 王霸字伯元潁川潁陽人漢兵起光武過潁陽霸率
 賓客上謁曰將軍興義兵竊不自量貪慕威德願克
 行伍光武曰夢想賢士共成功業豈有二哉遂從擊
 破王尋王邑於昆陽還休鄉里及光武為司隸較尉
 道過潁陽霸請其父願從父曰吾老矣不任軍旅汝

往勉之霸從至雒陽及光武為大司馬以霸為功曹
令史從渡河北賓客從霸者數十人稍稍引去光武
謂霸曰潁川從我者皆逝而子獨留努力疾風知勁
草及王郎起光武即南馳下曲陽以霸為軍正爵關
內侯既至信都發兵攻拔邯鄲霸追斬王郎得其璽
綬封王卿侯從平河北嘗與臧宮傅俊共營光武即
位以霸曉兵愛士可獨任拜為偏將軍并將宮俊兵
而以宮俊為騎都尉建武二年夏封富波侯富波縣各屬汝南
祭遵字弟孫潁川潁陽人光武破王尋等還過潁陽

遵以縣吏數進見光武愛其容儀署為門下史從

河北為軍市令尋拜為偏將軍平河北以功封列侯

建武二年拜征虜將軍封潁陽侯

臧宮字君翁潁川郊人少為縣亭長游徼漢制十里一亭有長

每鄉有游徼皆禁姦盜後率賓客入下江兵中為較尉因從光

武征戰諸將多稱其勇光武察宮勤力少言甚親納

之及至河北以為偏將軍從破羣賊數陷陣却敵光

武即位以為侍中騎都尉建武二年封成安侯屬潁川

明年將突騎與征虜將軍祭遵擊更始將左防韋顏韋

作於沮陽酈悉降之後封期思侯屬汝南故城在今光州固始縣西北

任光字伯卿南陽宛人為郡縣吏漢兵至宛軍人見光冠服鮮明令解衣將殺而奪之會光祿勳劉賜適至視光容貌長者乃救全之光因率黨與從賜為安集掾拜偏將軍與光武破王尋王邑更始至雒陽以光為信都太守及王郎起郡國皆降之光獨固守會光武自薊還狼狽不知所向傳聞信都獨為漢拒郭鄴即馳赴之光等孤城獨守恐不能全聞光武至大喜吏民皆稱萬歲即時開門迎謁光武拜光為左大將軍封武成侯使光將兵從入堂陽界堂陽今鎮州縣使騎各持炬火彌滿澤中光炎燭天地舉城莫不震驚惶

怖其夜即降旬日之間兵眾大盛因攻城邑遂屠郡

鄴迺遣光歸郡光武即位封光陽陵侯陽陵縣名屬涿郡食

邑萬戶

李忠字仲都東萊黃人黃今登州縣故城在縣東南王莽末為新

博屬長莽改信都國曰新博都尉曰屬長也更始立使使者行郡國即

拜忠都尉官忠遂與太守任光同奉光武以為右大

將軍封武固侯從攻下屬縣至苦陘苦陘縣名屬中山進圍

鉅鹿未下王郎遣將攻信都信都大姓馬寵等開城

內之會更始遣將攻信都因使忠還行太守事及任

光歸郡忠乃還復都尉建武二年夏封中水侯中水屬涿

郡故城在今瀛州樂壽縣西北食邑三千戶

萬修字君游扶風茂陵人更始時為信都令與太守任光都尉李忠共城守迎光武拜為偏將軍封造義侯及破邯鄲拜右將軍從平河北建武二年夏封槐里侯

邳彤字偉君信都人初為王莽和成卒正

王莽分鉅鹿為和成

郡居下曲陽以形為卒正

光武徇河北至下曲陽彤舉城降復

以為太守留止數日光武北至薊會王郎兵起使其將徇地所到縣莫不奉迎唯和成信都堅守不下彤聞光武從薊還失軍欲至信都乃先使五官掾張萬

督郵尹綏選精騎二千餘匹沿路迎光武軍彤尋與

光武會信都拜彤為後大將軍使將兵居前北至堂陽堂陽已反屬王郎彤使張萬尹綏先曉諭吏民光武夜至即開門出迎引兵擊破白奢賊於中山自此嘗從戰攻及拔邯鄲封武義侯建武元年更封靈壽

侯 靈壽縣名故城在今鎮州

劉植字伯先鉅鹿昌城人王郎起植與弟喜從兄歆

喜一作嘉字其仲歆字細君也

率宗族賓客聚兵數千人據昌城聞

光武從薊還廼開門迎光武以植為驍騎將軍喜歆偏將軍皆為列侯時真定王劉楊起兵以附王郎眾

十餘萬光武遣植說楊楊廼降因得進兵拔邯鄲從
平河北建武二年更封植為昌城侯

耿純字伯山鉅鹿宋子人初從李軼為騎都尉安集

趙魏會光武渡河至邯鄲純即謁見光武深接之純

退見官屬將兵法度不與它將同遂求自結納獻馬

及縑帛數百疋光武北至中山留純邯鄲會王郎反

光武自薊東南馳純與從昆弟訢宿植共率宗族賓

客二千餘人奉迎於育育縣在冀州拜純為前將軍封耿

鄉侯即永北有耿鄉俗謂之空安城在鎮州袁城縣西南訢宿植皆偏將軍使

純居前鋒宋子從攻下曲陽及中山及至鄆光武止

傳舍鄆大姓薊公反城開門內王郎將李暉純先覺

之將兵逆與暉戰大破之從平邯鄲又破銅馬時赤

肩青犢上江大彤鐵脰五幡十餘萬眾並在射犬光

武引兵將擊之純軍在前去衆營數里賊忽夜攻純

兩射營中兩射謂矢下如雨也純勒部曲堅守不動選敢死二

千人俱持強弩各傳三矢使銜枚間行傳著也繞出賊

後齊聲呼譟強弩竝發賊眾驚走追擊破之光武即

位封高陽侯擊劉永於濟陰下定陶後封為東光侯

朱祐字仲先南陽宛人往來春陵光武與伯升皆親

愛之伯升拜大司徒以祐為護軍及伯升死光武為大司馬討河北復以祐為護軍嘗力戰陷陣以為偏將軍封安陽侯光武即位拜為建義大將軍建武二年更封堵陽侯

堵陽縣名故城在今唐州方城縣

景丹字孫卿馮翊櫟陽人以言語為固德侯相遷朔

調連帥副貳

朔調上谷也

更始立遣使者徇上谷丹與連

率耿况降復為上谷長史王郎起丹與况共謀拒之况使丹與子弇及寇恂等將兵南歸光武光武引見丹等笑曰邯鄲將帥數言我發漁陽上谷兵吾聊應言然

王郎將帥數云欲發二郡兵以拒光武時光武聊應然之猶令兩軍遙相戲弄也

何意

二郡良為吾來

東觀記曰帝在廣河間外有大兵來登城勒兵在西門樓上問何等

丹等對曰上谷漁陽兵帝曰為誰來平對曰為劉公即請丹入人人勞勉思意甚備

方與士大

夫共此功名耳拜丹為偏將軍號奉義侯從擊王郎將倪宏等於南緣郎共迎戰漢軍退卻丹等縱突騎擊大破之追奔十餘里死傷者縱橫遂從征河北光武即位拜丹為驃騎大將軍建武二年定封櫟陽侯與吳漢耿弇朱祐賈復馮異陳俊王嘗臧宮等從擊破五較於蕤陽

名降其眾五萬人

王梁字君嚴漁陽安陽人為郡吏太守彭寵以梁守狐奴令與蓋延吳漢俱將兵南及光武於廣阿拜偏

將軍野王令與河內太守寇恂南拒雒陽北守天井關朱鮪等不敢出兵光武以為梁功及即位拜為大司空封武強侯

杜茂字諸公南陽冠軍人初歸光武於河北為中堅將軍嘗從征伐及即位拜大將軍封樂鄉侯樂鄉屬信都

北擊五較於真定進降廣平建武二年更封苦陘侯與王梁擊五較賊於魏郡清河東郡悉平諸營保降其持節大將三十餘人謂大將軍杜猛持節光祿大夫董敦等三郡清

靜道路流通拜驃騎大將軍馬成字君遷南陽棘陽人少為縣吏光武徇潁川以

成為安集掾調守邾令邾縣名今汝州縣也光武討河北成即

棄官步負追及於漁陽以成為期門從征伐及即位再遷護軍都尉

劉隆字元伯南陽安衆侯之宗室更始拜為騎都尉謁歸謁歸也謂請假歸也迎妻子置雒陽聞光武在河內即追

及於射犬以為騎都尉與馮異共拒朱鮪李軼等軼遂殺隆妻子建武二年封元父侯元父屬東城故城在今兗州王城縣南

傅俊字子衛潁川襄城人光武徇襄城俊以縣亭長迎軍拜為較尉襄城收其母弟宗族皆滅之從破王

尋等以為偏將軍別擊京密破之及光武討河北俊與賓客十餘人北追及於邯鄲光武使潁川兵嘗從征伐及卽位以俊為侍中建武二年封昆陽侯

堅鐔字子伋

伋一作皮

潁川襄城人為郡縣吏光武討河

北以其吏能署主簿又拜偏將軍從平河北別擊破大槍於盧奴及卽位拜鐔揚化將軍封滎強侯

岑彭字君然南陽棘陽人王莽時守本縣長漢兵起彭降更始封為歸德侯令屬伯升及伯升遇害彭遷潁川太守會舂陵劉茂起兵略下潁川彭不得之官乃與麾下數百人從河內太守韓歆會光武徇河內

彭勸歆迎降因進說曰今赤眉入關更始危殆唯君放縱矯稱制詔道路阻塞四方蜂起群雄競逐百姓

無所歸命竊聞大王平河北開王業此誠皇天祐漢

士人之福也彭蒙司徒公所見全濟未有報德

謂彭初降

諸將欲誅之伯升言不如封之以勸後

旋被禍難永恨於心

謂伯升為更始所害

今復遭遇願出身自効光武深接納之更始大將軍呂植將兵屯淇園彭說降之於是拜彭為刺姦大將

軍使督察眾營授以嘗所持節從平河北光武卽位拜為廷尉行大將軍事與吳漢王梁朱祐萬脩賈復劉植堅鐔侯進馮異祭遵王霸等圍雒陽數月朱鮪

等堅守不下光武令彭說降之建武二年使彭擊荊
州下攀葉等十餘城攀縣名在今汝州魯山縣東南葉今汝州縣也後更封
為舞陰侯

馬武字子張南陽湖陽人更始初為侍郎與光武破
王尋等拜為振威將軍與尚書令謝躬共攻王郎及

光武拔邯鄲因從擊尤來五幡等敗於慎水武獨殿

還陷陣故賊不得追及殿鎮後也進至安定次小廣陽即廣

下亭也在今幽州范陽縣以有武嘗為軍鋒力戰無

前諸將皆引而隨之故遂破賊窮追至平谷浚靡而

還平谷縣名屬漁陽郡浚光武即位以武為侍中騎

都尉封山都侯

朱浮沛國蕭人初從光武為大司馬主簿遷偏將軍

從破邯鄲光武遣吳漢誅更始幽州牧苗曾乃拜浮

為大將軍幽州牧守薊城遂討定北邊建武二年封

舞陽侯食三縣

魏夏侯惇字元讓沛國譙人太祖初起惇嘗為裨將

從征伐太祖行奮威將軍以惇為司馬別屯白馬遷

折衝較尉領東郡太守太祖自徐州還惇從征呂布

為流矢所中傷左目復領陳留濟陰太守封高安侯

領河南尹太祖平河北為大將軍後拒鄴破遷伏波

將軍累封至三千五百戶又從征孫權還使都督二十六軍魏國建諸將皆受魏官號惇獨漢官乃上疏自陳不當不臣之禮太祖曰吾聞太上師臣其次友臣夫臣者貴德之人也區區之魏而臣足以屈君乎惇固請乃拜爲前將軍文帝卽王位封惇大將軍夏侯淵字妙才惇之族弟太祖起兵以別部司馬騎都尉從遷陳留潁川太守及與袁紹戰於官渡行督軍較尉昌稀反遣于禁擊之未拔復遣淵與禁并力擊稀遂降其十餘屯稀詣禁降淵還拜典軍較尉濟爲樂安黃巾徐和司馬俱等攻城殺長吏淵將太山

濟平原郡兵擊大破之斬和平諸縣太祖征孫權使淵督諸將擊廬江叛者雷緒緒破又行征西護軍督徐晃擊太原賊攻下二十餘屯斬賊帥商曜屠其城從征韓遂等戰於渭南又督朱靈平隄麋汧氏與太祖會安定降楊秋太祖還鄴以淵行護軍將軍督朱靈路招等屯長安擊破南山賊劉雄降其衆還圍韓遂馬超餘黨梁興於鄠拔之斬興封博昌亭侯初抱罕宋建因涼州亂自號河首平漢王太祖使淵帥諸軍討建月餘拔之斬建及所置丞相已下淵別遣張郃等平河關渡河入小湟中河西諸羌盡降隴右

平淵累封至八百戶從征張魯會魯降以淵行都護將軍督張郃徐晃等平巴郡太祖還鄴留淵守漢中拜征西將軍建安二十四年蜀先主軍陽平關淵拒之戰死

李通江夏平春人以俠聞於江汝之間郡人陳恭共起兵於朗陵衆多歸之後舉衆詣太祖於許拜通振威中郎將屯汝南西界太祖討張繡劉表遣兵以助繡太祖軍不利通將兵夜詣太祖太祖得以復戰通爲先登大破繡軍拜裨將軍封建功侯又擊群賊瞿恭江宮沈成等皆破殘其衆送其首遂定淮汝之地

封都亭侯拜汝南太守時賊張赤等五十餘人圍桃山通攻破之

于禁泰山鉅平人黃巾起鮑信招合徒衆禁附從焉及太祖領兗州禁與其黨俱爲郡伯屬將軍王朗朗異之薦禁才任大將軍太祖召見與語拜軍司馬使將兵詣徐州攻廣威拔之拜陷陣都尉討呂布於濮陽別破布二營於城南又別將破高雅於須昌從攻壽張定陶離狐圍張超於雍丘皆拔之從征黃巾劉辟黃邵等屯版梁邵等夜襲曹公營禁帥麾下擊破之斬辟邵等盡降其衆遷平虜較尉

鮑信少有大節寬厚愛人沈毅有謀漢末大將軍何進辟拜騎都尉遣歸募兵得千餘人還到成臯而進已遇害信至京師董卓亦始到信知卓必爲亂勸袁紹襲卓紹畏卓不敢發信引軍還鄉里收徒衆二萬騎七百輜重五千餘乘是歲太祖始起兵於巴吾信與弟韜以兵應太祖太祖與袁紹表信行破虜將軍韜裨將軍時紹衆最盛豪傑多向之信獨謂太祖曰夫畧不世出能摠英雄以撥亂反正者君也苟非其人雖強必斃君殆天之所啓遂深自結納太祖亦親異焉

龐晃字元顯少以良家子刺史杜達召補州都督太祖既有關中署晃大都督領親信兵常置左右晃因徙居關中晃前治人頗多金谷池水州來以爲難曹仁字子孝太祖從弟少好弓馬弋獵從太祖爲別部司馬行厲鋒較尉太祖之破袁術仁所斬獲頗多從征徐州仁嘗督騎爲軍前鋒別攻陶謙將呂繇破之還與大軍合彭城大破謙軍從攻費華卽墨開陽謙遣別將救諸縣仁以騎擊破之太祖征呂布仁別攻句陽拔之生獲布將劉何太祖平黃巾迎天子都許仁數有功以議郎督騎太祖征張繡仁別徇旁縣

虜其男女三千餘人太祖與袁紹久相持於官渡紹遣劉備徇潁疆諸縣多舉衆應之太祖使將騎擊備破走之盡復收諸叛縣而還紹遣別將韓荀鈔斷西道仁擊荀於雞維山大破之封都亭侯從平荊州以仁行征南將軍留屯江陵拒吳將周瑜瑜將數萬人來攻前鋒數千人始至仁登城望之乃募得三百人遣部曲將牛金逆與挑戰遂爲所圍仁將其麾下壯士數十騎直前衝入賊圍金等乃得解賊衆乃退轉封安平亭侯太祖討馬超以仁行安西將軍拒潼關道破超渭南蘇伯田欽反以仁行征南將軍假節屯

樊鎮荊州侯音以宛叛畧傍縣衆數千人仁率諸軍攻破音斬其首還屯樊卽拜征南將軍關羽攻樊時漢水暴溢城不沒者數板會徐晃救至水亦稍減仁得潰圍而出文帝初卽王位拜仁爲車騎將軍都督荆揚益州諸軍事進封陳侯增邑至三千五百戶曹洪字子廉太祖從弟太祖起義兵討董卓至滎陽爲卓將徐榮所敗太祖失馬賊追甚武都迎曹洪等還屯陳倉文帝卽王位以洪爲前將軍曹真字子丹魏太祖族弟從操征伐屢建大功文帝踐祚以真爲鎮西將軍假節都督雍涼州諸軍事進

封東鄉侯

張遼字文遠李傕殺王允遼從呂布東奔徐州領魯相太祖破呂布於下邳遼將其衆降拜中郎將賜爵關內侯數有戰功遷裨將軍袁紹破別定魯國諸縣與夏侯淵圍昌稀於東海釋之從討袁譚袁尙於黎陽有功行中堅將軍從攻尙於鄴尙堅守不下太祖還許使遼與樂進拔陰安復從攻鄴鄴破別徇趙國恒山招降緣水諸賊及黑山孫輕等從攻袁譚譚破別徇海濱破遼東賊柳歆等還爲盪寇將軍復別擊荊州定江夏諸縣還屯臨潁封都亭侯從征袁尙於

城擊斬單于蹋頓又陳蘭梅成以氐六縣叛遼張郃朱蓋等討蘭成蘭轉入瀟山瀟山中有天柱山高峻二十餘里遼攻敗斬之太祖征孫權還使遼與樂進李典屯合肥權攻合肥十餘日城不可拔乃退遼率諸軍追擊幾復獲權太祖大壯之拜征東將軍還屯陳郡文帝卽王位轉前將軍孫權復叛遣遼還屯合肥進爵都鄉侯文帝踐祚封晉陽侯樂進字文謙以膽烈從太祖爲帳下吏遣募兵得千餘人還爲軍假司馬陷陣都尉從擊呂布於濮陽張超於雍丘橋鬪於苦皆先登有功封廣昌亭侯從征

張繡於安衆圍呂布於下邳別將擊眭固於射犬攻劉備於沛皆破之拜討寇較尉渡河攻獲嘉還從擊袁紹於官渡力戰斬紹將淳于瓊從擊譚尚於黎陽斬其大將嚴敬行游擊將軍別擊黃巾破之定樂安郡從圍鄴鄴定從擊袁譚於南皮先登入譚東門譚敗別攻雍奴破之太祖表漢帝爲盪寇將軍別征高幹從平荊州留屯襄陽擊關羽蘇非等皆走之又討劉備臨沮長杜普旌陽長梁太皆大破之後從征孫權假節屯合肥遷右將軍

張郃字儁乂初爲袁紹寧國中郎將後歸太祖拜偏將軍從攻鄴拔之又從擊袁譚於渤海別將軍圍廩丘大破之從討柳城與張遼俱爲軍鋒以功遷平狄將軍別征東萊討管承又與張遼討陳蘭梅成等破之從破馬超韓遂於渭南圍安定降楊秋與夏侯淵討鄴賊梁興及武都氐又破馬超平宋建太祖征張魯先遣命督諸軍討興和氏王寶茂太祖從散關入漢中又先使郃督步卒通路至陽平魯降太祖還留郃與夏侯淵等守漢中拒劉備郃別督諸軍降巴東巴西二郡淵戰殆諸軍推郃爲軍主太祖在長安遣使假郃節還屯陳倉文帝卽王位以郃爲左將軍進

爵都鄉侯及踐祚進封鄭侯
徐晃字公明初從車騎將軍楊奉討賊有功拜騎都尉後歸太祖太祖授晃兵使擊卷原武賊破之拜裨將軍從征呂布別降布將趙庶李鄒等與史渙斬眭固於河內從破劉備又從破顏良拔白馬進至延津破文醜拜偏將軍與曹洪擊潁彊賊祝臂破之又與史渙擊袁紹運車於故市功最多封都亭侯太祖既圍皮討平原叛賊克之從征蹋頓拜橫野將軍從征荊州別屯樊討中廬臨沮宐城賊又與滿寵討閻羽於

津與曹仁擊周瑜於江陵又討太原反者圍太拔之斬賊帥商曜韓遂馬超等反關右遣晃屯汾陰以撫河東太祖破超等又使晃與夏侯淵平榆麋沂諸氏太祖還鄴使晃與夏侯淵拒劉備於陽平備遣陳式等十餘營絕馬鳴閣道晃別征破之復遣晃助曹仁討關羽屯宛會漢水暴溢于禁等沒羽圍仁於樊又圍將軍呂嘗於襄陽晃擊破之文帝卽王位以晃爲右將軍進封遼鄉侯及踐祚進封陽侯
許褚字仲康譙國人漢末聚少年及宗族數千家共堅壁以禦寇太祖徇淮汝褚以衆歸太祖太祖見而

壯之曰此吾樊噲也卽日拜都尉引入宿衛諸從褚俠客皆以爲虎士從征張繡先登斬首萬計遷較尉從討袁紹於官渡時常從士徐他等謀爲逆以褚長侍左右憚之不敢發伺褚休下日他等懷刀入褚至下舍心動卽還侍他等不知入帳見褚大驚愕他色變褚覺之卽擊殺他等太祖益親信之出入同行不離左右從圍鄴力戰有功賜爵關內侯從討韓遂馬超於潼關太祖將北渡臨濟河先渡兵獨與褚及虎士百餘人留南岸斷後超將步騎萬餘人來奔太祖軍矢下如雨褚白太祖賊來多今兵渡以盡宐去乃

扶太祖上船賊戰急軍爭濟船重欲沒褚斬繫船者左手舉馬鞍蔽太祖船工爲流矢所中死褚右手並泝船乃僅得渡是日微褚幾危其後太祖與馬超等單馬會語左右皆不得從唯將褚超負其力陰欲前突太祖素聞褚勇疑從騎是褚乃問太祖曰公有虎侯者安在太祖顧指褚褚瞋目眦之超不敢動乃各罷後數日會戰大破超等褚身斬首級遷武衛中郎將武衛之號自此始也軍中以褚力如虎而癡故號曰虎癡是以趨問虎侯至今天下稱焉皆謂其姓名後遷中堅將軍文帝踐祚進封萬亭侯

蜀關羽字雲長本字長生河東解人亡命奔涿郡先
主於鄉里合徒衆而羽與張飛爲之禦侮先主爲平
原相以羽飛爲別部司馬分統部曲先主與二人寢
則同牀恩若兄弟而稠人廣坐侍立終日隨先主周
旋不避艱險先主之襲殺徐州刺史車胄使羽守下
邳城行太守事建安五年曹公東征擒羽以歸拜偏
將軍曹公知羽無久留之意使張遼問之羽歎曰吾極
知曹公待我厚然吾受劉將軍厚恩誓以同死不可
背之及羽殺顏良乃奔先主會曹公定荊州先主自樊
將南渡江別遣羽乘船數百艘會江陵曹公追至當

陽長阪先主斜趣漢津適與羽船相值共至夏口孫
權遣兵佐先主拒曹公曹公引軍退歸先主收江南
諸郡乃封拜元勳以羽爲襄陽太守盪寇將軍駐江
北先主西定益州拜羽董督荊州事二十四年先主
爲漢中王拜羽爲前將軍假節鉞羽攻曹仁還至江
陵爲吳逆擊斬之
張飛字翼德涿郡人少與關羽俱事先主又曹公入
荊州先主奔江南曹公追之一日一夜及于當陽之
長阪先主使飛將二千騎拒後飛據水斷橋瞋目橫
矛曰身是張翼德也可來共決死敵皆無敢近者故

遂得免先主已定江南以飛為寧都太守征虜將軍
封新亭侯後轉在南郡先主入益州遠攻劉璋飛與
諸葛亮等泝流而上分定郡縣至江州今渝破璋將
巴郡太守嚴顏所過戰克與先主會于成都領巴西
太守曹公以夏侯淵張郃守漢川郡別督軍下巴西
欲徙其民於漢中進軍宕渠蒙頭盪石與飛相拒五
十餘日飛率精卒萬餘人從他道邀郃軍交戰郃棄
馬緣山從間道退引軍還南鄭巴土獲安先主為漢
中王拜飛為右將軍假節章武元年遷車騎將軍進
封西鄉侯

趙字孟起扶風茂陵人漢前將軍騰之子累遷
州刺史諫議大夫及騰入宿衛以趙為偏將軍使領
騰營率諸戍以擊隴上郡縣殺涼州刺史韋康據冀
城有其眾趙自稱征西將軍領并州牧督涼州諸軍
事康故吏楊阜姜敘梁寬趙衢等合謀擊趙趙出攻
之不能下乃奔漢中間先主圍劉璋於成都密書請
降先主遣人迎趙趙將兵徑到城下城中震怖璋即
稽首先主聞趙至喜曰我得益州矣乃使人止趙而
潛以兵資之趙到令引軍屯城北未旬而成
以趙為平西將軍督臨沮因為前都亭侯先主為
漢中王拜趙為左將軍假節既即位遷驃騎將軍領

涼州牧封豸鄉侯
 黃忠字漢升南陽人荆州牧劉表以為中郎將與表
 從子磐共守長沙攸縣及曹公克荆州假行裨將軍
 仍就故任統屬長沙太守韓玄先主南定諸郡忠遂
 委質隨從入蜀自葭萌受任還攻劉璋忠嘗先登陷
 陣勇毅冠三軍益州既定拜為討虜將軍建安末於
 漢中定軍山擊夏侯淵淵軍大敗遷征西將軍先主
 為漢中主以忠為後將軍賜爵關內侯
 趙雲字子龍恒山真定人本屬公孫瓚瓚遣先主為
 田楷拒袁紹雲遂隨從為先主主騎時先主亦依瓚

每接納雲雲得深自結託雲以兄喪辭瓚暫歸先主
 知其不反捉手而別雲辭曰終不肯德也先主就袁
 紹雲見於鄴先主與雲同寐臥密遣雲合募得數
 百人皆稱劉左將軍部曲紹不能知遂隨先主至荆
 州及先主為曹公所追於當陽長阪棄妻子南走雲
 身抱弱子即後主也保護其夫人即後主母也皆得免難遷為
 牙門將軍雲領留營司馬時孫夫人權之妹聞先主
 西征大遣舟船迎妹而夫人內欲將後主還吳雲與
 張飛勒兵截江乃得後主先主自葭萌還攻劉璋召
 諸葛亮亮率雲與張飛等泝江西上平定郡縣至江

州分遣雲從外水上江陽與亮會于成都成都既定
以雲為翊軍將軍建興元年為中護軍封永昌亭侯

